



# Wantok

**NUPELA YELO FIN TUNA**

wantaim lomba na soya bin wel

Stap nau long stua klostu long yu

Namba wan kaikai bilong PNG ...

Namba 1877 Wan Wik Ogas 5 - 11, 2010

Niuspepa Bilong Yumi Ol PNG Stret! K1 tasol

**Breastfeeding Policy toksave i stap insait..**

**Rausim na karim i go!!**



**Neks wik: 28 pes 40 yia**

**Anivesari bilong Wantok**

**Niuspepa saplimenten!!**

**Kisim Motorola WX181!**



Baim Niupela Moto WX181. I kam wantaim FM redio na planti moa!

Olgeta fon igat fri kredit na frim sim kad stap insait pinis..

**Digicel**

Ekspela, Strongest moa Network bilong PNG.

Digicel Tems na Kondisen i stap.

**WANTOK BILONG YU BAI STAP YET:**

NAMBAWAN tok pisin niuspepa bilong PNG, *Wantok Niuspepa* i makim 40 krismas tude. Em i wanpela niuspepa tasol long kantri we i raitim nius long tok pisin.

Tasi Torula, bilong Goroka, em i bin wok wantaim *Wantok Niuspepa* bipo, na nau yet, em i save sekim nius insait long namba wan pepa bilong em.

Poto: NICKY BERNARD

## Winim 40 yia...



Neks wik yu ken sekim *Wantok Niuspepa* long lukim bikpela *Wantok Niuspepa* spesol long 40 krismas em i stap insait long kantri na toktok long ol grasruts manmeri bilong kantri.

# Somare tokaut long saplimentari baset long Novemba Palamen sindaun

JAMES KILA i raitim

**PRAIM Minista i tokaut long Wewak long las wiken olsem gavman bai pasim wanpela saplimentari baset long Novemba taim em i tokaut long baset o mani-**

plen bilong 2011.

Insait long wanpela ripot *Wantok Niuspepa* i kisim long Wewak, Praim Minista, Sir Michael i bin mekim dispela toktok na i tok i gat sampela moa mani i stap we soim olsem em orait long kamap wantaim

saplimentari baset.

Nius ripot we i kamap tu long redio long Nesinel Brodcasting Korporen (NBC) we praim minista yet i givim toktok bilong em.

Dispela em bai namba-tu taim gavman bilong aninit long lidasip o

lukaut bilong Somare i pasim saplimentari baset. Narapela saplimentari baset i bin kamap insait long tripela yia i go pinis .

**I go moa long pes 2**

**OX & PALM**

**True Buli Bif Bilong PNG.**

**CORNED BEEF**



### Somare tokaut long saplimentri baset...

#### I kam long pes 1

Dispela saplimentari baset long dispela taim i lukim gavman i pasim K400 milien.

Saplimentari baset em nara-pela mani plen gen we i autsait long bikipela baset. Dispela i save kamap taim i gat sampela moa mani I stap.

Dispela 2011 baset gavman bai mekim kamap long mun Novemba bai namba foa baset o mani-plen em Somare gavman bai i putimaut insait long dispela taim bilong en long ofis

Praim Minista Somare i tokaut long NBC Redio Is Sepik tu olsem bikipela as tingting long kamap wantaim saplimentari baset bikos gavman i kisim sampela gutpela mani we em i putim long sait i stap.

Sir Michael i tokaut olsem dispela mani long saplimentari baset bai ol i brukim gut i go long sapotim ol distrik long karimaut ol wok. Ol projek we dispela baset bai helpim em dispela we Nesinel Eksekutiv Kaunil (NEC) i tok-orait long en.

Em i tok tu olsem dispela mani long saplimentari baset em bai ol i brukim gut tru na tilim gut i go long ol distrik long kantri.

Moa long en, Sir Michael i tokaut olsem ol LLG presiden em ol rait lain husat i stap long gutpela posisen long save gut long wanem ol nid o wok we i mas kamap long distrik.

Em i sapotim disisen i rausim lo we i stopim ol LLG presiden long stap insait long provinsal asembli.

Praim Minista Somare i tok olsem pastaim ogenik lo bilong 1995 i no gutpela tumas taim ol LLG presiden i no stap long provinsal asembli.

Em i tok tilim o go aut bilong guds na sevises bai ol pipel insait long distrik i ken lusim i kamap long helpim ol.

# Ol pikinini nogat papamama helpim ol sik pipel long Galp

Joe Kaáu i raitim

LONG dispela taim nau we helpim i save go long ol lain pipel i gat nid o lain turangu, ol lain husat i save gat planti i save givim halivim.

Long las wiken ol pipel bilong Galp provins i bin bung long kamapim mani long bringim wanpela ovasis sip long bringim helpim i go long ol pipel long provins. Long dispela bung wanpela grup pikinini husat papamama bilong ol i dai pinis i soim gutpela pasin tru bungim liklik mani wantaim na givim long halivim ol pipel bilong Galp provins.

Maski olsem dispela ol turangu pikinini i gat hevi i stap wantaim ol, ol i givim wanem liklik ol i gat long helpim ol pipel bilong Galp provins long bringim sevis bilong dispela sip i go long provins.

Planti bilong ol dispela pikinini i no save long papamama bilong ol. Na planti i no save sapos papamama bilong ol i kam long wanem ples long Galp provins, tasol ol i go het na givim halivim.

Daireka bilong senta we i save lukautim ol dispela turangu pikinini, Mele Saiforoi, i givim halivim bilong ol dispela pikinini, na i askim i go long ol Galp pipel long NCD na long narapela senta long kantri long kam fowat na givim sapot long kisim dispela medikol sip i go long Galp provins.

"Sapos ol dispela turangu pikinini husat i nogat papamama i ken putim liklik mani ol i gat, ol dispela lain husat i stap gut na i gat planti samting i mas givim halivim tu," Ms Saiforoi i tok.

Raun bilong dispela sip i kam aninit long "Youth With A Mission" wanpela intadinominesinol intanesenel yut ogenaisesen progrem insait long Pasifik.

Galp Rijinel Memba, Havila Kavou husat i bin stap long dispela bung i askim olgeta pipel bilong Galp provins long sapotim dispela kam bilong sip.

Dispela sip bai go long Galp provins na stap long hap stat long Ogas 12 i go Oktoba 9, 2010.

Ol pikinini nogat papamama givim helpim. *Poto: Joe Kaáu*



## Judiseri sistem i stap long sait bilong God

Helen Rei i raitim

YIA 2010 em i yia God i wok insait long judisari sistem long PNG, Pasto Tom Watinga bilong Konaston Getwe Asemblis bilong God Sios long Mosbi i tok.

Toktok long ol sampela samting i kamap long Lo na Jastis Sekta (LJS) long dispela yia wantaim ol sios, Pasto Watinga i tok sekta i gat bikipela tingting long senis.

Pasto Watinga i bin wokim dispela toktok insait long wanpela ritrit we ol woklain bilong Lo na Sekta i bin gat long en. Em bin tok dispela yia em i spesel yia long ligel na Lo na Jastis Sekta. Dispela yia i bin stat wantaim Ligel Yia opening i bin kamap long Konaston Getwe Asemblis bilong God Sios long Godons. Na konprens bilong ol Mejistret long Mosbi we i bin stat wantaim dedikesen na preia. Na dispela ritrit bilong ol Lo na Jastis

sekta woklain we Pasto Watinga i bin ges spika i soim olsem sekta i gat bikipela tingting long putim God pastaim long ol samting em i wokim.

Pasto Watinga i bin tokim ol LJS woklain olsem ol i stap long rait hap bikos PNG i stapling namel bilong senis.

"Olsem Tok bilong God i tokaut long Buk bilong Sams (Psalms) Sapta 33:12 olsem gutpela long kantri we God bilong ol em Lod na long dispela yia, PNG i tokaut long pablik olsem dispela kantri i bilong God," Pasto Watinga i tok.

Pasto Watinga i tok em i bin bikipela samting long dispela kantri taim Praim Minista na Gren Sif Se Michael Somare i bin wokim promis wantaim God bilong Israel.

"God i bin makim Israel tasol em i givim bikipela blesing long PNG wantaim ol planti samting long busgraun na pulapim graun wantaim

gol na silva," Pasto Watinga i tok.

Em i tok PNG em i wanpela yangpela kantri i bin kisim indipendens wantaim nogat hevi, pait o man i dai bikos ol lida bilong em i bin save long God.

"Ol tumbuna bilong yumi i no bin save long God olsem yumi tude, tasol ol lain i bin raitim Mama Lo bilong yumi i bin luksave olsem i gat God i stap. Kantri bilong yumi i kisim bikipela blesing na yumi bai lukim planti gutpela samting long sait bilong mani bikos i makim yumi long kapsaitim blesing

bilong em i kam antap long yumi. Mi strongim yupela long mekim wok long sait bilong yupela long God taim yupela i karimaut ol wok bilong yupela long opis," Pasto Watinga i tok.

Dispela wanpela de ritrit bilong ol LJS woklain em i bilong bung, pre na glasim ol wok long wan wan selsen bilong LJS.

### OXFORD, TOK PISIN INGLIS DIKSENERI

Katim, na pulimapim oda fom daurbila na salim i kam long Wantok Niuspepa sapos yu laik ba'im dispela Oxford Papua Niugini Dikseneri (Dictionary) we Wantok na Oxford i wok bung wanlain long kamapim. Dispela buk i ken helpim yu tanim Tok Pisin i go long Inggris, o Inggris i go long Tok Pisin. Harap na kisim wanpela bilong ol dispela gutpela buk we inap strongim Tok Pisin bilong yu.

### ORDER FORM

ITEM	QUANTITY	PRICE	TOTAL
PNG Tok Pisin English Dictionary	1	9780190251129	K38.00

Order for Payment  
 Name: \_\_\_\_\_  
 Address: \_\_\_\_\_  
 Phone: \_\_\_\_\_  
 Fax: \_\_\_\_\_  
 Email: \_\_\_\_\_  
 Signature: \_\_\_\_\_

**FAX BACK TO: (675) 325 2579**



**Polisman sanap long kot**

**Bustin Anzu i raitim**

SEVENPELA polisman nau bai sanap long Nesenel Kot bihain long Korona i painim aut olsem ol gat sas long ensarim long dai bilong Wanpela wan wok bilong ol long 2007, bihain long Morobe Agrikalsa So.

Bihain long Inkwes bilong Korona long Maned long Lae District Kot, em i painim olsem ol dispela 7-pela polisman wantaim tupela sikuriti gad long Waratah Spots Klab i gat sas.

Long Mande apinun yet, kot i givim tok orait long polis long arestim na sasim dispela ol polisman na tupela sikuriti tasol tupela sikuriti i no soim pes yet long Lae polis stesin.

Bihain long tripela yia mekim wok painim aut, korona i bin kisim 4-pela mun long holim inkwes long dai bilong Sinia Konstabel Paul Mumuan long Waratah, ol famili bilong Mumuan bai kisim gutpela bel isi taim ol i save olsem kot bai mekim wok painim aut long husait tru i save long dai bilong em.

Bihain tasol long pinis bilong Morobe So, ol polisman i bin dring long Waratah Spots Klab. Sinia Konstabel Paul Mumuan, tu i bin stap wantaim ol long dispela taim.

Kot i harim olsem long moning taim namel long 4 na 5 kilok, ol i bin painim bodi bilong em long sait tasol long banis bilong Waratah. Ol polisman i bin stap long dispela taim.

Aplikesen bilong beil bilong ol em bai Nesinol Kot bai harim long nau moning (Fonde).

# Wurup-Kaip komyuniti wokabaut long Kokoda Trek

*... long bringim pawa*

**James Kila i raitim**

**WANPELA grup man bilong ples Wurup na Kaip insait long Anglimb Saut Waghi long Westen Hailans provins i wokabaut bihainim Kokoda Trek i kam kamap long Mosbi siti long reisim o painim mani long bringim pawa saplai igo long ples bilong ol.**

Pawa saplai em strongpela tingting bilong olgeta manmeri bilong dispela tupela ples. Long sapotim tingting bilong ol long kisim pawa, ol lida man na ol manmeri i kirapim fan reising ekiviti bilong kamap wantaim sampela moni long kirapim wok bilong kisim saplai.

Namba bilong pipel em 22,000. Mani mak bilong kamapim projek em K605,000we PNG Pawa i sasim prais putim

long ol pipel.

Ol dispela pipel i kirapim pinis oganising komiti bilong kamapim mani. Siaman bilong fan reising komiti Joseph Tep i tok: "Mipela pipol blong Wurup Kaip bai i no i nap sindaun na wetim gavman. Mipela yet bai i kirap painim rot long kisim pawa na long dispela tingting mipela kirapim wokaton i go long Lae-Bulolo na wokabaut long Kokoda Trek i go long Pot Mosbi"

Tim bilong wakaton i lusim Lae long Fonde, Julai 28th na ol bai kamap long Mosbi

Tude ( Fonde , Ogas 4)

Long Fraide, Ogas 13, bai gat fan raising dina long Sea Food Resturen long Godens long Koitachi Haus. Taim em 6:30 i go 7:30 long nait.

Mista Tep i tok inap moa long 37 yia PNG i kisim independens

tasol komuniti bilong em i stap long tudak yet na dispela ino gutpela.

Em i tok ol skul pikinini i no save stadi gut long nait na planti i ken helpim ol manmeri i no stap long ples bilong ol.

Dispela i mekim ol yangpela i lusim ples na ol i laik raun long ol taun long painim arapela ol sevis olsem

TV News ,Ragbi Gem na planti kain entainmen bilong taim nao.

Peter Tikil, wanpela bilong ol organizing komiti i tok: "Yumi no nap sindaun na givim baksait long dispela kain sevis bikos em i bikpela nid,

"Makim maus bilong oganising komiti, ol wod kaunsilors bilong Wurup-Kaip na ol komuniti, Mista Tep

Itok"Yumi olgeta manmeri mas

bung wantaim na kamapim wapela tingting long kisim Pawa i kam

insait long ples blong yumi. Yumi mas larim ol tingting blong wok politiks stap sait pastaim.

Dispela tasol bai i bringim gutpela sindaun long ples na komuniti," Mista Tikil i tok.

Nambawan helpim i kam pinis long Presiden blong Anglimp LLG, Koip Wamil wantaim K5,000.

Narapela emSamuel Kewa husat i tokaut long givim K2,500.

Olsem na sapos husat manmeri , o bisnis haus laik givim helpim long dispela komuniti bilong Wurup na Kaip long kisim pawa ol ken ken ringim em long Digicel:

722 90688 o 7111 3155 na kisim moa toksave.

## Draivim gut kar long siti...



BIKHET BAS: Kain ron bilong ol PMV insait long Lae siti i no save bihainim rut bilong ol i save mekim ol manmeri kalap long bas, olsem dispela i soim. Dispela bas i bin kam stop long Yuniget na laik go long Igam Bareks. Em i bin kam long Eriku na kam senisim pasindia na laik kisim nupela. Planti bilong ol dispela pasindia em ol bai go long Igam Bareks. Ol i baim gen namba tu taim long Wanpela ron tasol.

*Poto: Bustin Anzu*

**Bustin Anzu i raitim**

MOROBE Gavana Luther Wenge i bin givim strongpela tok lukaut i go long ol PMV draiva insait long Lae siti long pinisim olgeta ron bilong ol insait long siti na noken sot kat.

Wenge i mekim dispela tok tok bihain long planti manmeri i komplem olsem ol

PMV i no pinisim rut bilong ol na dispela kain sot kat ron bilong ol i mekim na planti manmeri i kisim taim long dispela.

"Ol skul pikinini, wokman meri, na pablik i kisim taim long dispela sem taim tu, peim sampela mani antap moa long nomol ron bilong ol," Gavana i tokim ol niusman long las wik.

Em i tok ol PMV i wokim bisnis bihain

long ol i kisim laisens long pinisim olgeta ruts bilong ol na ol mas bihainim dispela na i no long ronim igo namel tasol na lusim.

"Eskus nau ol i givim em olsem ol rot insait long siti i bagarap tasol ol mas save olsem ol i sainim pepa long bihainim ol rot stret.

"Lae em Wanpela bisnis siti na planti ol manmeri na skul pikinini i save yusim PMV

long go long wok na skul. Na dispela eskus bilong ol long rot na planti manmeri na skul pikinini i save go let long wok o skul," em i bin tok.

Em i tokim ol manmeri long kisim namba bilong dispela PMV na ol bai rausim laisens bilong em insait long ronim kar insait long siti na mekim ol mas luksave.



# Bumbu Bareks kam daun

**Bustin Anzu i raitim**

POLIS long Lae i mekim bikpela wok nau long rausim olgeta polis haus we i nogut. Dispela wok bilong rausim haus bai

kisim sampela taim liklik na bihain bai painim mani long wokim nupela.

Bos bilong ol polis bareks long Lae In-spekta Pauline Siaguru i tok ol haus

we binatang o termite i kaka em ol bai rausim olgeta na mekim rot bilong wokim nupela.

"43 famili husait i kisim taim long slip long dispela bareks em mipela i muvim ol i go long nupela bareks long Is Taraka. Olsem na dispela ol haus em mipela stat long rausim nau," em i tok.

Bumbu bareks em wanpela olupela bareks na bikpela bareks bilong Morobe provins. Dispela bareks em ol i bin kamapim bihain tasol long Wol Wo II. Na planti bilong ol dispela haus ino moa gutpela long ol polis man meri i slip.

Wok bilong painim nupela haus i bin hat tru long dispela taim na media i bin mekim bikpela wok long kamapim olsem wanpela nius samting.

Long dispela, Nesinol

Gavman i bin harim singaut bilong ol na baim 115 tupela bedrum haus long Is Taraka long mak bilong moni K22m. Dispela i daunim sampela ol hevi bilong haus long Lae.

Em i tok sampela ol polisman na meri i stap yet long Bumbu polis bareks we ol haus i bagarap, tasol ol lain husait i muv em haus bilong ol em binatang i kaikai na bagarapim olgeta. Sampela bilong ol dispela haus em ol yet i pundaun.

Ol dispela polis famili husait i stap long Bumbu nau i wok long slip wantaim ol haus we termite i kaikai, nogat wara na pawa problem, i stap yet wantaim ol.

I gat bilip olsem Polis Dipatmen bai painim sampela mani na wokim nupela haus bilong polis long Bumbu.



**BAREKS KAMDAUN:** Ol i rausim ol haus long Bumbu Polis Bareks long las wiken. Dispela program bilong rausim haus bai go het inap ol i rausim olgeta haus.  
Foto: Bustin Anzu

**FUNERAL MASS PROGRAMME**

**THE LATE TOM & JOSEPHINE AJA (ALSO UNBORN INFANT: BOY ABIA)**

**FRIDAY 5TH AUGUST 2010**  
9:30AM - CASKET DEPARTS FUNERAL HOME TO ST. JOSEPH'S CATHOLIC CHURCH  
10AM - FUNERAL MASS  
12:30PM - ST. JOSEPH CHURCH - BOROKO TO RESIDENCE OF LEO KEVIN, STG 2, GEREHU

1:30PM - RETURN TO MABATA ST., HENAO DRIVE-GORDON: AISI BAUPUA'S RES.

3:30PM - CONVOY DEPARTS POM FOR POUKAMA VILLAGE

**OVERNIGHT PROGRAMME**  
WITH VILLAGE ELDERS/YOUTH & OLSH ASSOCIATES

**SATURDAY 6TH AUGUST**

9AM - FUNERAL MASS AT OLSH CATHOLIC CHURCH-POUKAMA  
11AM - THE LATE TOM/JOSEPHINE AJA & INFANT BOY ABIA, WILL BE LAID TO REST.  
1PM - REFRESHMENT  
2PM DEPARTURE OF VISITORS, FRIENDS & RELATIVES

FOR FURTHER INFORMATION CONTACT:  
SIRI KOAE - 7150 9762 OR JOE OREA (JR) 7285 9824

**NO. 1 IN SAFETY**

**BISHOP BROTHERS**  
*everything for industry...*

EM/TEL: 88183@bishopbros.com.pg WEBSITE: www.bishopbros.com.pg

## Strongpela Imbonguu lida Robert Tawa indai

**JAMES KILA i raitim**

IALIBU komyuniti insait long Sauten Hailans provins na tu ol arapela insait long PNG i stap wantaim bikpela sore nau bihain long dai bilong wanpela strongpela lida bilong ol, Robert Goraie Tawa.

Leit Mista Tawa i bin stap olsem presiden bilong lalibu Besin Lokal Level Gavman (LLG) kaunsil i bin sik sotpela taim na i lusim laip bilong em long las wiken.

Planti lain manmeri, ol fren na ol famili memba insait long kantri i sore tru tru long Mista Tawa, husat i wok longpela taim tru olsem LLG presiden.

"Mipela i lusim wanpela gutpela lida na strongpela man tru long komyuniti na distrik bilong mipela," wanpela lain wan-pisin na wantok, Julius Kera i tok.

Em i tok tu olsem ol man olsem Mista Tawa i save holim ol komyuniti strong long pasin bilong wok bung wantaim.

Presiden bilong PNG Media Kaunsil, Joe Kanekane, i joinim ol narapela long givim tok sori bilong em long



**Strongpela lalibu komyunit lida Robert Tawa i dai las wiken**

Mista Tawa, na tok olsem leit Mista Tawa i bin mekim planti gutpela wok na givim taim bilong em long lukim gutpela sindaun na belisi pasin na gutpela pasin bihainim pasin tumbuna long stretim sindaun insait long eria bilong em.

Mista Kanekane i tok olsem leit Mista Tawa em wanpela long ol lida husat i sanap baksait long lukim Imbonguu i kisim nem olsem distrik na tu i stap olsem wanpela distrik we nogat hevi long kros-pait i save kamap na pipel save

stap wantaim belisi oltaim.

Leit Mista Tawa i save wok pastaim olsem wanpela akaunten na i wok olsem Provinsal Fainensol Kontrola wantaim Dipatmen bilong Woks long Mt Hagen, Mendi na long Daru insait long 1970s na stat bilong 1980s. Em i lusim pablik sevis wok long namel long 1980s na joinim wanpela lenona kampani insait long sampela yia pastaim long em i go insait long praivet bisnis. Em i traim 1992 Nesinel Jeneral lleksin tasol i no bin win, tasol em i laki taim ileksin long ples i makim em olsem Presiden bilong lalibu Besin LLG taim rifom i bin kamap long 1995. Long las yia (2009) em i bin kisim wanpela Logohu Medal, dispela em awot long gutpela sevis em i givim i go long komyuniti na afes long LLG.

Ol lain famili bilong em i stap em tupela meri bilong em na 12-pela pikinini na tumbuna bilong em.

# Papua Niugini, yumi asua olsem wanem?

**P**APUA Niugini i gat nem olsem wanpela long ol namba wan korap kantri long wol.

Na dispela nem mipela i kisim bihain long 30 o 35 yia tasol bihain long yumi kisim independens.

I klia olsem ol lain olsem Prais Ministra Se Michael Somare na ol arapela biknem politisen na ol long taim pablik sevan i no save long dispela nem nogut yumi karim nau. I nogat bekim long nesenel gavman long tok klia olsem dispela nem i no tru, o long tok klia olsem wanem na yumi gat dispela nem nogut.

Em i taim na we yumi ol Papua Niugini pipel i mas sekim long painimaut watpo mipela i asua pinis, na olsem wanem tru yumi bin asua, na painim sapos i gat rot i stap we yumi ken paitim pasin braiberi na korapsen na rausim long Papua Niugini.

Em i stap ples klia olsem pasin braiberi na korapsen long PNG i no samting i save kamap wan wan taim tasol. Braiberi na korapsen long dispela kantri i bruk i go bikpela pinis long olgeta wok.

Long bikpela lukluk, Stet i wok yet; masin bilong gavman i ron; lo i soim strongpela piks, na i gat sam-pela kain sosol oda long kantri.

Tasol taim yu lukluk go long insait na baksait bilong ol dispela wok, samting i stap ples klia em masin bilong gavman i no ron bihainim stret rot bilong ol stia aninit long lo.

Long independens yet na i kam, PNG komyuniti i kamapim wanpela bikpela senis tru.

Stet na masin bilong gavman nau i senis kamap wanpela bilian dola bisnis bilong politisen, famili na hauslain bilong em, ol wan bisnis na ol poroman bilong em tasol.

Olsem na sistem bilong gavman



manmeri long ol bikpela pablik opis, em ol i lus tingting long ol pinis. Olsem na ol dispela makim long wok i no moa bihainim save-mak na ekspiriens, o gutpela wok rekot na strongpela bilip o tingting. Papua Niugini em i wanpela kantri long wol we wanpela bipo raskol, wanpela stilman na wanpela man i bagarapim ol pikinini i ken holim na bosim pablik opis.

Kain luksave we i save winim wok tude em pasin bilong mekim samting na i nogat askim. Na sapos em i bilipim olgeta samting tasol na mekim wok, em bai gat moa sans long kisim luksave long holim wanpela bikpela pablik opis. Mipela i askim: I gat bilip i stap yet olsem sindaun bilong yumi bai senis klostu o bai olgeta samting i orait bai yumi ken rausim dispela samting korapsen long kantri bilong yumi? Yes, mipela laik lukim senis i kamap, tasol nau ol hanmak i soim olsem korapsen long dispela kantri i go insait tru pinis long komyuniti na i stap insait long blut bilong sistem bilong gavman na pablik administresen olsem na em i kamap olsem laipstail bilong PNG pinis.

Em i no isi long toktok long senisim pasin korapsen, na rausim olgeta long PNG. I gat wanpela toktok long Afrika i olsem: "Nogat man i gat save bai spetim rausim jius ol i givim long maus bilong em". Olsem tasol, na taim yu luksave olsem korapsen em i wanpela bilian dola bisnis long dispela kantri, yu bai ai op wantaim dispela luksave, na pilim olsem yu no inap mekim wanpela samting, pastaim long bun na strong bilong yu i lus, o yu 'pasim ai' olsem nau yumi stap tude. Liklik man long rot i save long

PM i nidim ol kain man olsem long lukautim nesenel sekbuk bilong kantri.

Em dispela kain korapsen mipela i toktok long en. Ol kain luksave i mas stap long taim bilong makim ol

manmeri long ol bikpela pablik opis, em ol i lus tingting long ol pinis. Olsem na ol dispela makim long wok i no moa bihainim save-mak na ekspiriens, o gutpela wok rekot na strongpela bilip o tingting. Papua Niugini em i wanpela kantri long wol we wanpela bipo raskol, wanpela stilman na wanpela man i bagarapim ol pikinini i ken holim na bosim pablik opis.

Kain luksave we i save winim wok tude em pasin bilong mekim samting na i nogat askim. Na sapos em i bilipim olgeta samting tasol na mekim wok, em bai gat moa sans long kisim luksave long holim wanpela bikpela pablik opis.

Mipela i askim: I gat bilip i stap yet olsem sindaun bilong yumi bai senis klostu o bai olgeta samting i orait bai yumi ken rausim dispela samting korapsen long kantri bilong yumi? Yes, mipela laik lukim senis i kamap, tasol nau ol hanmak i soim olsem korapsen long dispela kantri i go insait tru pinis long komyuniti na i stap insait long blut bilong sistem bilong gavman na pablik administresen olsem na em i kamap olsem laipstail bilong PNG pinis.

Em i no isi long toktok long senisim pasin korapsen, na rausim olgeta long PNG. I gat wanpela toktok long Afrika i olsem: "Nogat man i gat save bai spetim rausim jius ol i givim long maus bilong em". Olsem tasol, na taim yu luksave olsem korapsen em i wanpela bilian dola bisnis long dispela kantri, yu bai ai op wantaim dispela luksave, na pilim olsem yu no inap mekim wanpela samting, pastaim long bun na strong bilong yu i lus, o yu 'pasim ai' olsem nau yumi stap tude. Liklik man long rot i save long

pasin bilong korapsen long kilim na rausim strong bilong em. Wan wan taim, bai yumi lukim ol wan wan man olsem Professa Nonggorr i singaut na tokaut long paul pasin, na bihain yu harim ol toktok i kam long Peter Donigi, na sapos yu laki, bai yu lukim ol gutpela man olsem Dokta Allan Marat na Belden Namah i tokautim tingting bilong ol. Tasol taim win i dai, na solwara i silip gen, olgeta samting bai go bek gen olsem ol i stap bipo, bilong strongim ol korap manmeri na lida na ol bikpela malti bilian korapsen bisnis.

Em nau, yumi kam bek long askim bilong yumi: 'I gat sans olsem yumi ken senisim dispela pasin korapsen? Long olgeta samting yumi lukim pinis, bekim bilong askim em, "Nogat, long rausim long klostu taim, bai nogat" na long taim bihain, bekim em: "mipela i no save". Mipela i tok gen olsem korapsen i go insait tru long bun bilong komyuniti na nau em i hat tru long traim katim rausim. Long dispela kantri, korapsen em i bikpela bisnis na korapsen i save stretim sindaun bai ol wan wan man i ken bungim mani taim ol i sindaun long ol bikpela wok i gat pawa na privilis; bikos ol dispela man i save kamap ris taim ol i mekim disisen i ken senisim sindaun, laip na wok bilong ol pipel.

Yes, mipela i ken votim ol nupela politisen long yia 2012, tasol em bai olsem wanem taim ol i go insait long pablik sevis we pasin korapsen i stap strong pinis long en? Ol bai kamap korap, wankain olsem ol lain i bin stap bipo; mipela save kolim dispela 'korapsen bai asosiesen o korapsen bai sekamstents' we ol bai mas go insait long

dispela pasin korapse i stap long sistem pinis.

Olsem na korapsen long dispela kantri i olsem wanpela bikpela bilakpela hul long spes we i gat nem bilong daunim olgeta samting em i bungim. Long dispela kantri, korapsen i save daunim olgeta samting!

Nau mipela i wokabaut bihainim rot bilong ol Saut Amerika. Ol i save mekim wanem long hap? Long Saut Amerika, i gat wanpela bikpela tok olsem: "Sapos yumi no inap senisim korap sistem long balot bokis, bai yumi mas senisim wantaim katres."

Tru tumas, dispela tingting em nau yumi wokabaut i go painim nau long kantri bilong yumi.

Isi isi, gavman i wok long pasim rot bilong pipel i go long kain kain rot bilong stretim ol belhevi bilong ol olsem taim ol i senisim Lidasip Koud na Environmen Lo na pasim ol manmeri long mekim ol gutpela pablik protes.

Dispela i wok long kamapim sindaun we rot bilong mekim samting i pas pinis, na i no long taim bai em i pairap.

Bilip bilong mipel ai olsem sapos yumi no painim bikpela hevi long kantri, bai yumi mekim rot bilong lukim kamap bilong wanpela dikteta. Na sapos dispela i kamap, yumi mas prea olsem em bai wanpela gutpela dikteta na i no nara-pela.

Dispela em i histori we i kamap pinis long Afrika na Not na Saut Amerika.

Mipela i gat planti ol kendidet bilong dikteta i stap pinis long politiks bilong yumi husat i wok long tromoi mani go kam na apim nem bilong ol long niuspepa, TV na redio i stap.



**Putim was long 40 Yias Anivesari bilong Wantok Niuspepa! Spesol Saplimen i kam klostu long dispela pepa bilong yumi ol PNG stret!**



# Where did we go wrong, Papua New Guinea?

**PAPUA New Guinea is known as one of the most corrupted countries in the world. And this is a status we acquired only after 30 to 35 years of independence.**

Obviously, people like the Prime Minister Sir Michael Somare and other prominent politicians and long time civil servants are aware of this unfortunate classification that we have received, but to date, there has been no response from the national government either denying that statement or refuting it and at the same time, offering some explanation as to how and why we were tagged with that stigma.

It is high time we Papua New Guineans did some soul-searching to determine why we went wrong and how, and then further determine if there are ways we can fight bribery and corruption and eliminate it from Papua New Guinea.

It is a known fact that bribery and corruption in PNG is not an isolated practice or transaction. Bribery and corruption in this country has reached endemic proportions.

At a superficial level, the institution of State is very much alive; the machinery of government is still operative; the rule of law appears to be functional, and there is some social order in the country.

But when one starts to look behind the scene, what stands out the most is that the machinery of government is not operating impartially in a routine manner by application of established procedures under the rule of law.

Since independence, the



whole spectrum of the PNG society has undergone a complete transformation. In particular, the institution of State and the machinery of government have now become a billion dollar business for the politician, his family members, business associates and his cronies.

Thus, our system of government no longer functions as a public institution for the benefit of the public at large. Any benefit that ultimately trickles down to the public, is at best, an incidental aspect of the whole exercise which is geared for the benefit of the corrupt politician and his kind.

The frightening aspect of it all is that bribery and corruption in Papua New Guinea is now a way of life, a way of staying in business, and it is what keeps the State and the machinery of government in operation.

Just look at the Honorable Peter O'Neill, who has been appointed by the PM as the Finance and Treasury Minister. This MP was referred to unfavourably in the POSF Enquiry so his record in dealings of a financial nature were suspect, and this ought to cast a bad cloud over his status, but for the prime minister, this is not relevant. What is relevant is that Peter O'Neill is a close associate. Whenever the prime minister

shouts, 'jump', he gets a prompt, "how high, Sir?"

The PM needs people like that to look after the national cheque book.

This is the kind of corruption we are talking about. The kind of considerations that ought to apply in matters of appointment to public offices have been discarded, so that such appointments are no longer based on considerations of merit including experience, good track record and personal integrity.

Papua New Guinea is the only country in the world where an ex-convict, a thief, and a child molester can hold public office.

The kind of consideration that merits appointment these days is the ability to deliver upon command without any question so that the more gullible a person is, the better his chances of being appointed to a public office of significance.

We pose the question: Is there any hope that things will soon change for the better so that we can get rid of this phenomenon of corruption in this country? Yes, we would like to see a change, but the indications to date are that corruption in this country has burrowed deep within the whole spectrum of society so as to permeate the entire system of government and public administration so that it has now become a way of life in PNG.

It is not an easy task to talk about changing this phenomenon, let alone, eliminate it forever from PNG society.

There is a saying in Africa that goes: "No wise man spits out juice put into his mouth".

Thus, when you realize that

corruption is a billion dollar business in this country, you are awed by that realization and a sense of helplessness creeps in, before you become powerless, numb or simply slip into 'apathy mode' like where we are today.

The common man on the street now feels powerless to control the phenomenon of corruption and thus apathy reigns throughout this country.

From time to time, we get individuals like Professor Nonggorr shouting 'murder' from the wilderness and then you hear objections from lost souls like Peter Donigi and if you're lucky, you get good people like Dr. Allan Marat and Belden Namah speaking their minds. But ultimately, the wind stops blowing and the seas calm and it is back to business as usual for the corrupted society of people and their multi-billion corruption business.

Thus, we return to our question: Any chance that we the people can change this phenomenon of corruption? From the available evidence, the unfortunate answer is a flat "No, not likely in the immediate future" and for the long term, the answer is, "UNCERTAINTY!"

We repeat our assertion that corruption has burrowed deep into society and is now so deeply-entrenched that any form of surgery will not remove it. In this country corruption is big business and corruption pays its bills so people can and do get rich by occupying positions of power and privilege; people get rich by making decisions affecting people's lives and career.

Yes, we may elect a new batch of politicians in the year

2012, but what good is that when they enter a service that is already corrupt? They will simply get corrupted like the rest; that, we call "corruption by association or corruption by circumstance" so that ultimately, they get fully sucked into the system.

Thus, corruption in this country is like a big black hole out there in space that is notorious for sucking anything that gets within reach. In this country, corruption sucks!

We are now heading the way of the South Americans. How do they do it over there? In South America, the saying is: "If we cannot change the corrupted system by the ballot, then we have to do it by the bullet".


Unfortunately, this is the way we are now heading in this country.

Slowly, the government is depriving the people of access to different avenues for addressing their grievances like the Leadership Code and the Environment Law Amendment and the refusal for people to stage peaceful demonstrations. This, in turn, is a creating a bottle-neck situation which in time, will explode.

Our hunch is that if we do not get into civil unrest of some magnitude in this country, then we are creating conditions for the rise of a dictator. If that happens, then let us pray that it would be a benevolent dictator and not otherwise.

This is the way history unfolded itself in Africa and the Americas.

We already have likely candidates on the political scene busy spending public money and singing out daily praises for themselves in the local media.



**Putim was long**  
**40 Yias Anivesari**  
**bilong Wantok Niuspepa**  
**Spesol Saplimen**  
**i kam klostu long dispela pepa bilong yumi ol PNG stret!**



# Ol famasi i mekim bikpela wok long givim helt kea

OL kemis o famasi sevis i wanpela bikpela hap i mekim wok long lukautim helt bilong pipel long PNG o long ol narapela hap long wol.

Planti taim yumi sik, yumi save go long haus sik o go lukim ol dokta long kemis na baim marasin long hap.

Long mekim pablik i klia olsem kemis em i wanpela eria we ol i ken go lukim ol kemis, ol dokta na kisim helpim, papa bilong bikpela kemis sen stoa long kantri em Siti Famasi (City Pharmacy) long las wik i bin lonsim "Askim Famasi bilong Yu" kempein.

Dispela kempein i bilong mekim pablik i save olsem famasi sevis olsem wanem ol marasin yu kisim long ol kain sik, rivyu o sekap na ol helt sekap em ol sampela eria we dispela "Askim Famasi bilong Yu" kempein i karamapim.

"Yu no nap wokim apoinmen o makim taim long lukim famasist. Sapos yu sanap long lain, em i no bilong longpela taim. Yu ken lukim famasist na em i save long ol samting i sut long helt sait," Prue Go em Maketing Menesa bilong Siti Famasi grup i tok.

"Famasist bilong yu i gat bikpela ekspiens na save na i gutpela sapos yu gat sampela wari long sait long helt long go toktok long famasist klostu long yu," Mis Go i tok.

Mis Go i tok dispela kempein i no bilong resis o daunim bikpela wok



KEMPEIN BILONG ASKIM FAMASIST BILONG YU: Menesa bilong Siti Famasi grup, Prue Go wantaim ol narapela woklain bilong Siti Famasi long Waigani long taim bilong lonsing kempein. Foto: Nicky Bernard

ol narapela save lain bilong helt i mekim tasol em o bilong tok olsem ol famasist na moa yet, ol komyuniti famasist i stap long franlain bilong kempein long dispela kantri i mas gat gutpela helt.

Mis Go i tok moa tu olsem gutpela samting long "Askim Famasi bilong Yu" kempein em i strongim poin olsem ol famasist em ol save-man na ol i mekim bikpela wok

long helt kea bilong pipel. Na yu ken kisim helpim bilong ol hariap tasol.

"Ol sik we i save pinis na kamap gen (chronic), mipela i save olsem marasin i save helpim na kamapim senis long laip bilong pipel. Long planti i gat ol sik wei save pinis na kamap gen (chronic) olsem sik suga, ol i mas kisim marasin long helpim ol stap gut.

Taim ol siklain i kisim priskripsen o tok orait pepa long dokta bilong kisim marasin long kemis, ating ol i mas kisim marasin 5-pela taim na tu, lukim dokta bilong ol bihain long sampela mun.

Tasol ol i save go lukim famasist olgeta mun na kisim ol etvais na infomesen long ol marasin bilong ol.

Ol famasi i save mekim bikpela wok long lukim olsem pipel i stap helti na ol i no sik klostu klostu.

## Tolokuma main i sapatim helt na edukesen long Goilala Distrik

OL komyuniti long Goilala Distrik insait long Sentrel provins i kisim helpim long sait bilong helt na edukesen i kam long Tolokuma Gol Main.

Tolokuma Gol Main i hap bilong Petromin grup, em i hap bilong mineral, ges na wel kampani bilong PNG gavman.

Tolokuma Gol Mani (TGM) i apim komyuniti sapat baset bilong em long helpim ol komyuniti long Goilala Distrik i ken kamapim gut laip na sindaun bilong ol. Kampani i wok long givim helpim long ol projek bilong kamapim gutpela wara saplai na toilet na tu, edukesen na helt long ol neks jeneresen bilong ol Goilala lida.

Progrem bilong kampani i bihainim polisi o ol lo bilong Petromin Grup we i tok ol i mas yusim o putim sampela hap mani bilong ol mineral long ol sosel invesmen insait long ol komyuniti.

Jenerel Menesa bilong TGM em John Moore i tok kampani i wok long mekim ol pablik toilet long ol ples klostu long main eria na wara saplai long ples Mondo long helpim kamapim gut helt bilong pipel i stap klostu long main.

"Long sait bilong helt, em i hat bikos i nogat ol bilding na gutpela rot. Tasol TGM i wok long kamapim gut helt na haijin klostu long Tolokuma we planti ol woklain bilong TGM i stap long en," Mista Moore i tok.

TGM i sapatim tu Yulai klinik. Ol mobail klinik i save i go na i kam long nupela rot long Tolokuma i go long Mondo rot. Na planti medikel imejensi wok i kamap we ol i yusim ol kontrak helikopta bilong TGM long kisim ol ples lain bilong Goilala i sik nogut tru i kam long Pot Mosbi Jenerel Haus sik.



SAPOTIM NCD HIV/AIDS PROGEM: NCD Gavana, Powes Parkop i givim tupela leptop kompyuta long helpim NCD HIV/AIDS Komiti long karimaut wok bilong em. Mista Parkop i sekan na givim wanpela leptop i go long bosman bilong NCD HIV/AIDS program, Mista Aluvula. Long namel em Pasto Daniel Hewali na ol narapela komiti memba.

Foto: Nicky Bernard

## Helt na haijin i wok bilong olgeta man ... Kolera i wok long go daun

Veronica Hatutasi i raitim

OLGETA man na meri long siti na kantri i mas lukautim gut helt na haijin bilong ol long stopim ol sik olsem kolera na ol narapela long kamap.

Siaman bilong Kolera Komiti long Nesenel Kapitel Distrik em Dokta Timothy Pyakalya i tok olsem taim em i toktok long sik kolera na i stap long wanem mak long NCD.

I kam inap nau taim sik kolera i biru kamap long siti klostu long mun Epril long dispela yia, 1,190 pipel long siti na ol ples klostu olsem ol nambis viles long Is na Wes Hiri (Elevala, Hanuabada, Lealea, Papa na ol narapela) i kisim dik kolera. Dispela mak i no kaunim ol pipel i kisim sik kolera long Sentrel provins. Tasol sik i bin kisim nogut tru 530 pipel long NCD na Sentrel provins wantaim na ol i bin slip long haus sik.

Dokta Pyakalya i tok mak bilong sik kolera i wok long go daun na long las wiken, ol i bin lukim tupela siklain tasol dispela i no min olsem yumi mas slek na go bek long olupela pasirin long bihainim na mekim ol samting no helti na o no klin.

"Sik i wok long go daun na mi bilip em bai stap olsem. Mipela i no lukim planti siklain wantaim kolera i kam long Habuabada, Lealea na ol narapela nambis ples long Motu. Tasol sik i kamap yet long ol ples olsem Koki, Wanigela, Erima, 9 Mail, Morata na Gerehu.

"Mi bilip olsem sapos yumi bihainim ol rul bilong haijin, bai yumi daunim sik. Ol isi rul olsem wasim han wantaim sop bipo long redim kaikai, taim bilong kaikai na bihainim long yusim toilet.

Dringim klinpela wara yu boilim na larim i kol. Kuk wantaim klinpela wara. Noken larim ol lang i holim kaikai na olsem, karamapim kaikai olgeta taim. Noken pekpek nating long bus o drein, tasol yusim toilet," Dokta Pyakalya i tok.

Em i tok kolera i save stap long pekpek na wara. Na sapos yumi asua na i no bihainim ol rul, sik ba stat gen.

Em i tok ol binatang i save stap long man, meri o pikinini i kisim dispela sik long 6-pela wik.

Dokta Pyakalya i tok Helt Dipatmen i gat rul long ol maket long siti na dispela em, ol i mas gat toilet na klinpela wara i ron i stap. Tasol em wok bilong Nesenel Kapitel Distrik long lukim olsem ol dispela samting stap na pipel i ken salim ol samting bilong ol long gutpela na klinpela maket.

"Helt Dipatmen i save promotim helti maket na seif envaironmen. Dispela i min olsem ol maket i mas gat klinpela toilet, wara i ron na pipe i no salim smok. Tasol em i wok bilong NCD long lukim olsem ol dispela samting i stap," Dokta Pyakalya i tok.





**OL BODA MANGKI:** Sampela ol sumatin i save slip long Sekret Hat Hai skul Tapini i amamas long sapot we TGM i save givim ol. *Poto: TGM Midia*

# Strongim ol sumatin long rit

*... Lonsim Nesenel Bukwik kamap long Kokopo*

OL PAPAMAMA na ol tisa i mas strongim ol sumatin long yusim ol laibreri na ritim ol buk.

Komyunikesen na Infomesen Minista na Palamen memba bilong Kokopo, Patrick Tammur i tok olsem taim em i lonsim Nesenel Bukwik long Kokopo long dispela wik Mande.

Mista Tammur i tok tu olsem mak long rit long dispela kantri i wok long go daun taim ol yia i ron na dispela i no gutpela.

Em i tok laibreri na ol buk i bikpela samting bikos ol buk i gat ol planti samting we ol sumatin na pipel i ritim na kisim save long ol, tasol ol papamama na ol tisa i mas strongim ol sumatin long yusim ol laibreri na ritim ol buk.

Em i tok ol sumatin i mas kisim gutpela sapot na ol i ken lainim na skruim save bilong ol taim ol i ritim ol buk.

Gavana Jeneral Se Paulias Matane husat i bin lonsim Nesenel Bukwik long Waia Banis graun long Takubar, Kokopo, long Is Nu Briten provins i

bin tok sosaiti we i putim save olsem bikpela samting bai kontribut gut na bikpela long ol wok developmen bilong kantri.

Se Paulias i bin tok lukautim gut ol save na pasin tumbuna em i wanpela bikpela eria long lainim na kisim save long en.

Taim Se Paulias i toktok long nesenel populesen sensus, em bin kolektim o bungim data em i bikpela samting long ol wok developmen bilong kantri. Na i moabeta long PNG i lukluk strong long ol laibreri olsem ol i bikpela samting olsem ol stoa haus bilong save i helpim pipel long save long ol samting i kamap long kantri na long intanesenel level. Na dispela save i helpim ol long glasim ol samting na long ol wok developmen.

Het tok long 2010 Bukwik em "Count on Books... rit"o long Tok Pisin, "Buk bai Helpim yu... rit".

Ol skul long kantri bai mekim ol samting i sut long Bukwik insait long wanpela wiki nap long dispela wik Fraide.

## Tupela skul long Tapini i kisim gutpela helpim long Tolokuma Main

SEKRET Hat Hai skul na Bleset Peter ToRot Praimeri skul em tupela skul i stap long Tapini, Goilala Distrik long Sentrel provins we i wok long kisim gutpela helpim i kam long Tolokuma Gol Main (TCM).

Tupela skul i stap longwe long maunten eria na i save hat long go long ol.

Tasol insait long wanpela mun, TGM i save givim K10,000 long skul bilong baim ol kaikai na ol narapela samting long sapotim lainim bilong ol sumatin long dispela skul.

Long yia 2004, Sekret Hai skul i bin klostu pas bikos em i sot long kaikai we ol i save kisim long balus long Mosbi i go antap long dispela maunten skul, tasol

Siaman bilong skul em Pater Brian Cahill MSC i bin askim Tolokuma menesmen long givim sapot long skul.

TGM i bin givim skul gutpela ansa na i bin stat long givim mani helpim long skul i kam inap nau. Long pinis bilong olgeta yia, Pater Brian i save givim ripot long rot skul i yusim mani long en na main i amamas long lukim olsem ol i yusim gut dispela mani ol i givim long helpim ol.

Long wankain taim, TGM i sapotim ol program bilong Sekret Hat Hai skul olsem mentenens bilong ol skul biling, ol haus bilong slip bilong ol tisa na ol sumatin, kompyuta biling na putim ol kompyuta tu long ol, musik dipatmen, aven bilong kuk

na miksa wantaim tu klinik na wot bilong skul.

Bleset Peter ToRot Praimeri skul long Tapini i kisim gutpela sapot long TGM. Hap long mani we TGM i save givim long Sekret Hat hai skul i save go long stretim ol biling na ol narapela samting long Bleset Peter ToRot Praimeri skul. Ol i baim ol nupela kompyuta pek, nupela klasrum na wok mentenens long ol tisa na sumatin slip haus.

Long wankain taim, ol tisa, sumatin na ol narapela woklain long tupelo skul i amamas tru long gutpela helpim we TGM i givim long ol na helpim skul i go het na op long mekim wok long skulim ol sumatin na i no pas.



**SANS LONG LAINIM YUSIM KOMPYUTA:** Sampela ol sumatin long kompyuta klas long Sekret Hat Hai skul, Tapini. *Poto: TGM Midia*



## Semoso laikim kwaliti edukesen long Bogenvil

KWALITI edukesen em i bikpela samting sapos Bogenvil i laik muv i go fowet.

Gavana bilong Bogenvil na Bogenvil Afeas Minista, Fidelis Semoso i tok olsem long opening bilong dabel klasrum long Sohano Praimeri skul long Sohano Ailan, Buka long las wik.

Mista Semoso i singaut tu long Edukesen Divisen long Bogenvil long glasim na senisim edukesen sistem long Bogenvil bikos em i tok nupela edukesen sistem long kantri i no givim gutpela kwaliti edukesen long ol sumatin.



# Amerika bai kamapim stem long luksave long Bleset Mada Teresa

Stori i kam long Zenit Nius  
Ejensi Vatiken

BLESET Mada Teresa bilong Kalkata (Calcutta) long India em biknem Katolik Sister husat i gat bikipela luksave long wol olsem meri i bin mekim bikipela wok long lukautim ol turangu lain long India bai kisim narapela luksave long Postel Sevis bilong Amerika (United States of America).

Long mun i kam long Septemba 5, Pos Opis bilong Amerika bai autim nupela stem i luksave long Bleset Teresa bilong Kalkata, we wol i save long em olsem Mada Teresa. CatholicVote.org i tokaut olsem wanpela kempein ol i

bin karimaut long mun Febueri long dispela yia long sapotim dispel stem i bin kisim 138,000 signetsa long em.

Ripot i kam long presiden bilong CatholicVote.org, Brian Burch, i tok wanpela mausman bilong Postel Sevis long Amerika i tok olsem yes, em i tru olsem ol bai wokim wanpela seremoni long Septemba 5 long basilica o sios bilong Immaculate Conception long Washington DC, kapitel siti bilong Amerika.

Fridom bilong Rilijes Faundesin i bin pait hat long stopim Posal Sevis bilong Amerika long noken kamapim ol stem bilong givim luksave long Mada Teresa, tasol CatholicVote.org i bin strongim

Pos master bilong Amerika, Jenerel Jack Potter long sanap strong long disisen bilong em olsem stem i mas kamap yet. Na noken harim singaut bilong liklik lain grup we i laik bagarapim dispela Sister we long laip bilong en, em bin lukautim ol turangu na ol lain i sik, i nogat ples bilong stap na i nogat kaikai bilong ol.

Burch i save olsem long dispel taim, polisi bilong postel sevis i tambuim long putim aut ol stem i givim luksave long ol rilijes institusen o manmeri we ol bikipela samtign ol i woki i sut long ol rilijes bilip na wok, Tasol em i tok dispel polisi i mas noken stopim ol pipel we i gat luksave long ol kontribusen bilong ol long wol.



OL MISINARI BILONG AFRIKA: PNG i gat sampela ol Pater na Sister bilong Afrika i wok long ol Katolik daiosis na peris bilong em olsem tripela Pater na wanpela Sister i wok long Asdaiosis bilong Pot Mosbi.

## Ripot tokaut long ol kantri i stopim rilijes fridom

...Gavman bilong Amerika i mas mekim moa

TETIN PELA (13) kantri long wol i stap long ripot bilong Komisnin bilong Intanesenel Rilijes Fridom (USCIRF) olsem ol i save stopim rait na fridom bilong pipel long lotu.

USCIRF em i wanpela in-dipenden gavman komisnin long Amerika i tok ol kantri we em i wari long ol bikos ol i brukim rilijes fridom em long Burma, Saina, Not Korea, Eritria, Irak, Naigiria, Pakistan, Saudi Arebia, Sudan, Tuekmenistan, Uzbekistan, na Vietnam.

Ripot i putim ol kantri long Was Lista bilong em bikos ol tu i brukim rilijes fridom. Em long Afganistan, Belarus, Cuba, Ijip,

India, Indonesia, Laos, Rasia, Somalia, Tajikistan, Teki na Venezuela.

Ripot i no bin amamas tu long gavman bilong Amerika na tok em i mas mekim moa.

Komisina bilong USCIRF em Leonard Leo i tok foren polisi bilong Amerika i misim mak long rilijes fridom. Em i tok dispela i stap long ples klia bikos nau gavman bilong Amerika i nogat Ambaseda long Intanesenel Rilijes Fridom, wanpela yia bihain long nupela gavman i tekova.

Mista Leo i tok bihain long Presien Barack Obama i yusim sampela strongpela toktok long Kairo (Cairo) toktok bilong

em i sut long rilijes fridom, i nogat moa toktok i kam long dispel eria long Presiden na Stet Sekreteri Hilary Clinton.

Em i tok lukluk long rilijes fridom i no isi. Long sampela kantri we Komisnin i raun long ol olsem Naigiria na Ijip, nogat lain i lukautim dispela eria na ol i ken bagarapim na kilim dai ol man long rilijes bilip bilong ol.

Em i tok bikos long ol planti samtign nogut long bagarapim, kalabusim na kilim dai pipel long rikije bilip bilong ol, em i bikipela samtign long Amerika foren polisi i wokim samtign long tok autim long ples klia na daunim ol dispela samtign i noken kamap.



## Yu mas pulap long Holi Spirit

JISAS i bin mekim wok long strong bilong Holi Spirit. Jisas i tokim ol disaipel long ol i mas larim Holi Spirit i pulapim ol. Yumi tu i mas pulap long Holi Spirit. Dispela tok em i klia olgeta. Tasol nau yumi kamap long narapela kwesten. "Mi mas mekim wanem na bai Holi Spirit i pulapim mi?"

### 1. Holi Spirit i Mekim Yu kamap Nupela

Taim wanpela meri o man i tanim bel na askim Jisas long lusim sin bilong en, orait Holi Spirit i mekim em i kamap nupela. Jisas i tokim Nikodimas, "Sapos man i kamap nupela long wara na Holi Spirit em i no inap i go insait long kingdom bilong God" Jon 3.5. Efesus 1.13 i tok, "Yupela i pas wantaim krais, na God i bihainim promis em i bin mekim bipo na em i givim Holi Spirit long yupela, olsem mak bilong yupela i stap lain manmeri bilong em stret." God i givim Holi Spirit long yumi olgeta Kristen wan wan. Em i stap tisa bilong yumi na strongim yumi. Tasol em i laik go moa yet na pulapim laip na bel na tingting bilong yumi wan wan.

### 2. Givim Baksait Long Olgeta Pasin Bilong Sin

Sampela Kristen i ting olsem, Mi gutpela Kristen. Mi no save stil na mi no save spak na mi no save mekim pamuk pasin. Mi lusim ol dispela pasin pinis. Dispela em i gutpela, tasol olsem wanem long ol arapela pasin olsem, bel nogut, na tok baksait na mangal? Yu ting God i amamas long dispela pasin o nogat? Ol dispela pasin i givim bel hevi long Holi Spirit. Baibel i tok, "Yupela i noken givim bel hevi long Holi Spirit. . .

Yupela i mas rausim olgeta pasin bilong bel nogut na kros na belhat na bikmaus na tok bilas na olgeta kain pasin nogut. Yupela i mas mekim gutpela pasin long arapela Kristen. . . Yupela i mas lusim sin bilong ol, olsem God i lusim sin bilong yupela long nem bilong krais" Efesus 4.30-32.

Yu mas prea na askim God long glasim tru bel bilong yu, na soim olgeta samtign i no gutpela lon ai bilong em. Holi Spirit bai kamapim ples klia olgeta kain tingting na pasin i no gutpela long ai bilong God. Yu mas autim dispela ol sin long Bikipela, na askim em long klinim tru olgeta hap long bel na tingting bilong yu, bai yu ken i stap klin tru.

### 3. Givim Yu Yet Olgeta Long God

Jisas i bin givim em yet long diwai kros olsem ofa bilong tekewe sin bilong yu. Long marimari bilong God em i lusim rong bilong olgeta sin yu bin mekim yu kamap nupela. Nau yu gat bikipela dinau long God. Em i givim nupela laip long yu olsem presen. Tasol bai yu givim wanem samtign i go bek long em. Rom 12.1 i tok, Mi tingting long bikipela marimari bilong God na mi tokaut strong long yupela olsem. Yupela i mas givim bodi bilong yupela long God olsem ofa, orait yu no ken yusim bodi bilong yu long mekim ol kain pasin . Nogut tru,

Rom 6.12 i tok: Yupela i noken larim sin i bosim bodi bilong yupela . . . Nogut sin i pulim yupela na yupela i bihainim laik nogut bilong bodi" Taim yu tanim bel na bilip long Jisas, God i lusim sin bilong yu na mekim yu i kamap nupela. Olsem na yu mas givim laip bilong yu olgeta long God na larim em i bosim olgeta hap bilong laip bilong yu. Yu no ken bihainim laik bilong yu yet. Nogat . . . Taim yupela i stap laip bai yupela i stap ol manmeri bilong God stret na bai yupela i mekim ol pasin God i laikim. Yupela i mekim olsem na yupela i ken lotu tru long God" Rom 12.1.

Husat i sindaun long sia king long bel bilong yu? Jisas i king long laip bilong yu, o yu yet i laik i stap bosman yet? Yu mas daunim yu yet, na daunim olgeta laik bilong yu, na larim God i bosim olgeta hap long laip bilong yu. Sapos yu strong long bosim laip bilong yu yet, Holi Spirit i no inap pulapim laip bilong yu. Tasol sapos yu daunim laik bilong yu, Holi Spirit bai amamas tru long pulapim laip bilong yu.

### 4. Askim Holi Spirit long Pulapim Laip Bilong Yu

Jisas i tok, "Yupela i ken save tru, Papa bilong yupela is tap long heaven em bai i amamas long givim Holi Spirit long ol man i askim em" Luk 11.13. Long narapela taim Jisas i bin tok, Sapos wanpela man i dai long wara, orait e mi mas kam long mi na i dring. . . Sapos man i bilip long mi, orait planti wara i gat laip bai kamap long bel bilong em na i ran i go" Jisas i tok long Holi Spirit ol man i bilip long e mol bai i kisim" Jon 7.37-38. Mining bilong tok i olsem, yu mas hangere tru long Holi Spirit olsem wanpela man i nek drai long wara.

Sapos bel bilong yu i hangere tru long Holi Spirit i pulapim yu, orait em bai i pulapim yu tru laip bilong yu. Tasol yu mas daunim yu yet olgeta na larim Holi Spirit i bosim olgeta hap long laip bilong yu.

God i no inap givim baksait long prea bilong yu. Em bai i harim. . . Sapos yupela i bilip na mekim prea, orait olgeta samtign yupela i beten long kisim, em bai yupela i kisim" Matyu 21.22.



# Askim komuniti na bisnis haus long givim blut

**WANPELA** yangpela meri i sanap long Mis Ret Kros PNG kwin resis i askim ol bisnis na pablik long givim blut long Sen John's blut beng long helpim ol siklain o ol mama i karim bebi i sot long blut na ol i laikim helpim.

Mis Sylvia Pascoe em dispela yangpela meri we 4-pela kampani stret i sponsaim long sanap long Mis PNG Ret Kros resis we bai ol i wokim fainol wok glasim long tokaut long wina long dispela wiken tasol. Foapela kampani long Konstantinou (Constantinou) grup i sponsaim Mis Pascoe em long Hebou Konstraksens, Monier Ltd, Airways Hotel na Lamana Hotel.

Mis Pascoe i tok Sen John's i laikim moa blut long wanem, bikpela haus sik long Mosbi siti em, Pot Mosbi Jenerel Haus sik, we i save lukim na helpim planti handret



**GIVIM OL BUK SAMTING:** Sylvia Pascoe (long baksait) wantaim ol pikinini long Spesel skul senta long Hohola husat i amamas soim ol donesen we Sylvia i givim long ol.

sik pipel long wanpela de i laikim moa blut.

"Wanpela samting em, haus sik i bungim salens bikos em i save yusim planti handret bek blut long wanpela de. Em i save yusim ol blut long sait bilong imejensi na ol operesen, tasol nogat planti lain i save givim

blut," Mis Pascoe i tok.

Stat long las wik na i go moa yet long dispela mun, Mis Pascoe i go pas long askim ol bisnis na pablik long givim blut nau i go long Sen John's blut beng.

Olsem hap long apil o askim bilong em, Mis Pascoe i askim ol bisnis

na pablik long lukim Sen John's lain na makim taim long ol woklain bilong kampani i ken givim blut bilong ol. Na tu, long putim na makim long kalenda bilong ol wanpela taim ol i ken givim blut long Sen John's blut beng.

## Raun lukim ol meri na pikinini



**MAS GELS:** Naispela hotel long ples Gaire ausait long Mosbi i save pulim planti ges, famili na pablik i laik kisim gutpela malolo long kantri sait long ol wiken na wikde wantaim. Hia ol yangpela gels i putim wanpela Huluhula danis long amamasim ol ges.



**KULAU I SWIT MOA:** Taim san i tuhat na yu raun i stap long Buka, maket i stap klostu tasol we yu ken painim naispela fres kulau ol i salim long liklik prais tasol olsem 40 na 50 toea. Tupela yangpela meri Siwai i sindaun long wanpela hap kona bilong Buka maket na ol i laik katim na dringim kulau taim Wantok i bin bungim ol.

# Summer Sale: ALL STOCK PGK520 OFF!

Some example:

The offer ends on August 9th. Hurry!

PRICES IN PNG KINA, SHIPPING COST AND TAXES NOT INCLUDED.



**TOYOTA CAMRY '98**  
1.8ltr petrol, AT, whitepearl/silver, 31,000km



**TOYOTA MARK II QUALIS '97**  
2.5ltr petrol, AT, whitepearl/grey, 85,000km



**NISSAN Sunny '99**  
1.5ltr petrol, AT, white, 61,000km



**TOYOTA CAMRY GRACIA '99**  
2.2ltr petrol, AT, whitepearl, 103,000km



**NISSAN CEFIRO '99**  
2.0ltr petrol, AT, silver, 61,000km



**ISUZU WIZARD '98**  
3.0ltr diesel, AT, silver, 93,000km



**MITSUBISHI PAJERO '96**  
2.8ltr diesel, AT, white, 109,000km



**TOYOTA HIACE '92**  
2.4ltr diesel, AT, whitepearl/brown, 86,000km



**NISSAN CIVILIAN '95**  
4.2ltr diesel, MT, l-blue/blue, 24 Seats, 31,000km



**ISUZU ELF '01**  
4.3ltr diesel, MT, white, 123,000km, High deck, 3 Ton

[www.JapaneseVehicles.com](http://www.JapaneseVehicles.com)

GO

**1000 used vehicles from Japan, ALL PGK520 OFF!**

Contact us and leave your telephone number, we will call you back. From 8:00 to 23:00, PNG time, ask for Roger / Juan.

TEL +81-52-219-9024 / FAX +81-52-219-9025

WEB [www.JapaneseVehicles.com](http://www.JapaneseVehicles.com) / EMAIL [sales@JapaneseVehicles.com](mailto:sales@JapaneseVehicles.com)





# TOK PISIN NEWS

from Radio Australia

radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

## Ol soldia i putim strongpela tambu long Kashmir

OL POLIS na paramilitary trups i putim pinis ol strongpela tambu long Kashmir long India bihainim ol bikipela pait na trabel em i bin kamap namel long ol pipel husat i no laikim India na ol sekyuriti fos. Ol pait namel long dispela tupela lain i bin go inap long tupela de na siksipela pipel i bin dai long en.

Planti riot polis opisa nau i wok long wokabaut na lukautim ol bikrot long Srinagar, sama kapitel bilong Indian Kashmir, we planti pait na trabel i wok long go het insait long dispela tupela mun i go pinis.

Planti pait na protes i wok long hamarim Kashmir Veli, we planti Muslim pipel tru i save long en stat yet long mun Jun, bihainim dai bilong wanpela sumatin, krismas bilong en 17.

Ol i tok dispela sumatin i dai long wanpela tia ges katres we polis i bin sutim em wantaim.

Samting olsem 23 sivilian i dai pinis insait long ol dispela pait wantaim ol sekyuriti fos.

Ol nupela pait na protes i bin kamap long Fraide na bihain pait i bruk long noten distrik bilong Baramulla, ples we planti Muslim lain tru husat i laik lusim India i save stap long en.



**KISIM BAGARAP:** Wanpela man Kashmir i kisim bagarap, na ol i holim em na painim kar long kisim em i go long haus sik. Em i kisim bagarap taim ol lain yut i protes agensim ol sekyuriti fos long Nawpora long Srinagar, India long Tunde dispela wik. **(AP Foto i kam long AAP Images)**

## UN i tok haiwara i bagarapim 1 milian pipel long Pakistan

YUNAITET Nesens i tok ol haiwara em bikipela ren o monsoon ren i wok long kamapim long Pakistan na Afganistan, nau i wok long kamapim bikipela hevi tru long samting olsem wan milian pipel.

Yunaitet Nesens i tok olsem haiwara i karamapim planti ples tru na i mekim ol pipel long stap ol yet, na gavman bilong Pakistan i tok olsem em i ken tokaut stret olsem 800 pipel i dai pinis long dispela wik i go pinis.

Ol dispela haiwara i wasim na rausim planti ol vilis, ol bris, ol bikrot na ol gaden kaikai na ol fam i bagarap olgeta.

Ol eid ejensi i wok long painim hat stret long go helpim ol pipel husat i bungim bikipela hevi, tasol ol i no nap long wanem ol rot i bagarap na i gat ol bikipela wara i wok long pasim ol rot.

Wanpela tokman bilong ami bilong Pakistan, Meja Jeneral Athar Abbas i tok ol i no save yet long wanem kain bagarap stret em ol dispela haiwara i kamap.

## Australia Greens Pati i

## tokaut long ol ileksan polisi bilong en

OL ileksan kempen i go het yet long Australia na Grins (Greens) Pati, wanpela liklik pati insait long kantri, i bin tokaut long ol ileksan polisi bilong en.

Ol pipel bilong Australia bai vout long ileksan long Ogas 21.

Lida bilong Grins pati, Bob Brown, i bin tokaut long ol polisi bilong en na em i bin sutim ol strongpela tok-tok agensim ol bikipela politikal pati, na em i bin tok olsem ol dispela pati i no gat gutpela tingting na plen bilong ronim kantri.

ABC niusmeri long Kanbera, Louise Yaxley, i ripot olsem Great Southern Land Noten Teritori Senet kendidet bilong Grins Pati, na kantri singa, Warren H Williams, i bin singim ol singsing bilong en na amamasim ol pipel taim Grins pati i bin lonsim polisi bilong en.

Grins pati lida, Bob Brown i tok olsem pati bilong en i soim olsem em i strongpela pati winim ol bikipela pati.

Seneta Brown i bin tokaut long plen bilong pati bilong en long

kabon takis, wanpela nesanel dental skim, na referendum o vout bilong painim sapot ol pipel i laikim Australia long kamap olsem wanpela ripablik.

Grins pati i laikim sapos em i ken winim balens bilong pawa long Senet bihain long dispela ileksan. Na tu, ol i laik winim Lowa Haus sia bilong Melbon.

## UNESCO tokaut long 2010 Wol Herites Lis

OL lain bilong Yunaitet Nesens kalsarel ogenaisesen, UNESCO, i tokaut pinis long nem bilong ol ples ol i stap insait long 2010 Wol Herites Lis.

Ol i putim Sentral Hailans bilong Sri Lanka long dispela lis long wanem em i gat ol gutpela na klinpela bikbus em i stap olsem bipo, dispela ples i pulap long ol Sri Lanka lepad na ol kain kain diwai na bikbus na enimal em yu no nap painim long ol narapela hap long wol.

Ol i bin putim tu wanpela hap solwara long Hawaii wantaim tu 11-pela hap em ol konvik o kalabusmanmeri i save bin stap long en

long Australia.

Australia Minista bilong Envaironmen Proteksan, Peter Garrett, i bin tokaut long ol dispela ples long nambis long Maroubra em i stap long ilektoret bilong en, Kingsford Smith.

Gavman i bin makim ol dispela ples long 2008, na Yunaitet Nesens i bin oraitim na putim ol long Wol Herites Lis.

Ol dispela ples i karamapim kokatu ailan long Sidni, na tripela narapela ples long Nu Saut Wels, fopela ples i stap long Tasmania, wantaim tu, Port Arthur we planti kalabusmanmeri na pikinini i save bin stap long en, Fremantle haus kalabus long Westen Australia, na Kingston na Arthus Vale historic eria long Norfolk Ailan.

## Ol Katerets pipel i tok wok bilong surikim ol i slo tumas

OL PIPEL bilong Katerets Ailan long Otonomas Bogenvil Rijen, husat nau i kam pinis olsem ol klaimet refuji, i tok wok bilong surukim ol i go long ol nupela ples

i slo tumas.

Ol i bin statim wok bilong surukim ol dispela pipel i go long bikiples Bogenvil sampela yia i go pinis, tasol tupela famili tasol namel long samting olsem 2000 pipel i surik pinis taim klostu olgeta i stap yet long Katerets.

Ol pipel husat i lusim pinis Katerets i tok, solwara i wok long go antap na i wok long bagarapim tu ol gaden kaikai bilong ol, na dispela i mekim ol i sot tru long kaikai na sampela mansave i tok olsem Katerets Ailan bai bagarap olgeta namel long nau na 2015 na nogat man, meri o pikinini bai stap moa long dispela ailan.

Ursula Rakova husat i bin statim wanpela NGO grup bilong helpim ol pipel bilong en, i tok kain sindaun long ples i bagarap olgeta nau.

Kaikai sot, na namba bilong pipel i go antap, na i gat pait i kirap long paiawut, we i gat kros tu long wanem liklik hap graun i stap yet long planim gaden na long ol samting olsem banana na diwai kokonas.

**Pacific BEAT**

4. 5. 6am & 4pm. 5pm  
including sport

Listen to Radio Australia  
**101.9FM Port Moresby**

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.





**WANTOK**  
**KOMENTRI**

**Autim tok na tingting,  
na strongim PNG**

SAPOS i gat wanpela samting yumi Papua Niugini i ken tok olsem em i stap, na yumi stap, em i pasin bilong tokaut na tok stret.

Planti kantri long wol i nogat moa rait bilong autim tingting, na autim tok long pablik, bai ol arapela i save.

Insait long Pasifik tu, yumi lukim pinis wanpela wan-solwara bilong yumi i kamapim ol lo bilong daunim strong bilong media bilong ol.

Dispela i noken kamap long PNG.

Media, na moa yet, ol niuspepa bilong yumi long kantri i gat luksave bilong ol inap long mak tasol.

Planti long ol pipel bilong yumi i no luksave long strong na fridom yumi gat long media long autim tingting, na strongim tok.

Tude, Wantok Niuspepa, we em i wanpela niuspepa tasol long kantri we i save raitim nius long tok pisin, i makim namba 40 krismas long em i sanap strong long Papua Niugini.

Long dispela taim nau, we planti long ol hevi i bungim yumi PNG, fridom long tokaut na tok stret, em i bikpela samting tru.

Wantok Niuspepa i bin kirap long 1970, na nau em i stap yet. Em i wok bungim yet nius, na em i wok tokaut long ol rida bilong em.

Mipela i no wanpela niuspepa bilong ol bisnisman-meri, o niuspepa bilong ol politisen. Nogat. Mipela i save raitim nius bilong ol liklik grasrut manmeri, i go antap long ol bikmanmeri.

Wanpela samting yumi PNG i strong long en, em long tok pisin.

Dispela wanpela tokples tasol, i save bungim yumi, maski yumi Hailans, Niugini Ailans, Sauten o Momase.

Sapos yu no save long tokples bilong arapela, bai yu tupela i ken stori long tok pisin.

Na dispela pasin bilong toktok, na tokaut, na autim tingting, em i wanpela samting we i ken strongim yumi PNG.

Sapos dispela i no stap, bai kain kain man i ken giamanim yumi gut tru, na bai yumi stap long tudak yet.

Long makim maus bilong olgeta wokmanmeri bilong Wantok Niuspepa, mi laik tok amamas long olgeta rida bilong mipela long sapot na luksave yupela i givim mipela long 40 krismas mipela i sanap hia long kantri.

**Wanem as ol lida kamap go kam?**

I LUK olsem ol lain bin ronawe long Somare i wok long go bek gen.

Ating ol ting long brukim haus tasol pos bilong haus i sanap strong olsem na ol go na kam bek.

Em pasin politikis bilong Papua Niugini bikos olpela Lo bilong bipo i oraitim ol memba long kalap kalap go kam o senisim sip long laik bilong ol.

Las ol lain memba husat bin go bek long banis bilong Somare i tokaut long pablik olsem ol i sori na mekim bikpela tok sori long Gavman bilong Somare. Sampela i autim bel nogut bilong ol long ol projek bilong ples we Gavman i no helpim ol long givim mani. Olsem na ol mekim olsem long senisim Gavman bai ol ken kisim helpim hariap long stretim ol projek bilong ol.

Ating wanpela bikpela askim em, bilong wanem as na ol go bek long banis bilong Somare? Ol em lida ya tasol wanem samting



hukum ol go bek?

Pait long kisim sevis na developmen go long ol pipel em wanpela bikpela as ol memba save tok pait long en long palamen. Tasol wanpela pasin nau em sapos yu lida bilong harim tok bilong Gavman na bihainim em bai yu kisim helpim hariap. Sapos yu laik krangi liklik, bai mani bilong yu long mekim wok bai no inap kamaut hariap.

Planti memba bilong Sauten rijen bin bihainim olpela Praim Minista na memba bilong Abau Sir Dokta Puka Temu go long Oposisen long traim senisim Gavman. Tasol Gavman i no senis olsem na ol ron go bek gen we wanpela lida bilong ol Sauten rijen yet em memba bilong Kikori Mista Mark Mapaikai i welkam long ol.

Sampela memba bilong Pipels Eksen Pati (PAP) bin bruk go tu long Oposisen tasol ol go bek we pati lida na memba bilong Maprik Gabriel Kapris i welkam long ol na kisim ol bek. Wankain tu ol wanwan memba wok long go bek.

Dispela nau bai sotim namba bilong Oposisen long kamapim 55 lain bilong sainim pepa na givim go long Kot long singautim Palamen long kam bek bung we ol bai traim gen long kamapim vot nogat bilip long Gavman bilong Somare.

Luk olsem vot nogat bilip bai no inap kamap gut bikos namba bilong Gavman sait wok long go bek antap gen na ol inap winim dispela vot nogat bilip long kamap.

Narapela samting tu em ating Gavman bai harim tok na helpim ol dispela memba wantaim wari bilong ol. Ol lida ya laikim mani bilong ol kirapim ol

projek na sevis long ilektoret bilong ol. Em bikpela wari bilong ol long kalap go long hapsait na kam bek gen.

Tok stret olsem 2010 em nogat taim moa bikos yu ken wokim projek tasol em leit ya. Ol pipel belhat pinis na stap bikos ol no lukim wanpela senis o sevis long 4-pela krismas ya.

Nau Gavman inap yusim ol dispela lain tasol long holim namba na abrusim taim bilong vot nogat bilip we inap kamap 18 mun bihain.

Samting olsem 10-pela memba i kam bek pinis long banis bilong Somare olsem na yumi putim was na lukim sapos ol bai kisim mani bilong ol long karim go mekim wok long ilektoret o nogat. Na dispela lain em ol turangu lain we pasin politikis i pilai pilai long ol na ol inap lus nating tru long 2010 nesenele ilek-sen.



Published Weekly, Thursday, for  
Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia  
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga


Editor  
Neville Choi

Published at  
Section 58, Allotment 3  
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



# Wol nius long poto...



**MI TU MI STAIL:** Planti ol resis bilong ol meri we i save skelim ol stail bilong ol, em i bilong ol meri i no pat. Tasol ol lain long Itali, ol i kamapim wanpela resis bilong painim meri i pat na i stail wantaim. Dispela poto i soim Angela Scognamiglio, 33 krismas, bilong ples Naples, i amamas na kisim poto bihain long em i winim kraun bilong Mis Cicciona D'Italia 2010 long Montecatini Terme, klostu long ples Pisa, long Itali. Olgeta meri i stap insait long resis i mas moa long 100 kilogrem hevi bilong ol. Ol i bin soim stail bilong ol taim 2,500 manmeri i bin kamap long lukim dispela resis. Angela i win wantaim 170 kilogrem. **(EPA Poto i kam long AAP Images)**

**RAUSIM KLOS BILONG POTO:** Moa long 5,000 kain kain manmeri bilong Sydney, Australia i bin rausim klos long stap insait long dispela wanpela poto bilong potografa man Atis Spencer Tunick. Em i kisim dispela poto, em i kolim 'The Base', bilong ol pastaim long san i kam antap long Sidni Opera Haus long mun mas yet. Nau ol poto i kamaut, wan wan long ol dispela manmeri bai kisim kopi bilong dispela poto. **(AAP Poto)**



**KALAPIM HAIWARA:** Ol lain manmeri long Pakistan i sanap lukluk long wanpela man i kalap long wanpela rop long abrusim bikipela haiwara i kamap long Swat veli long Trinde dispela wik. Bikipela haiwara i kamap na bagarapim Pakistan bihain long traipela ren i pundaun na givim hevi long 3.2 milian pipel. Liklik namba tasol long ol dispela lain i kisim imejensi helpim.



# PMV draiva kompetisen wok long kamap gut

KLOSTU long 4-pela wik taim nau bai mipela i tokaut long televisin nem bilong 15-pela PMV draiva husat bai go lukim 2010 NRL Gren Fainol. Dispela bai wanpela bikpela seremoni tru we bai lukim ol draiva husat i win na ol lain long helpim tu i bung. Long dispela as tasol na mi amamas long tokaut long sampela moa prais we bai stap insait em mipela i putim antap long wanem samting ol wina bai kisim. Namba wan samting em mi bai toktok long sampela ol veliu o gutpela samting dispela kompetisen i kamap wantaim.

Long las wik mi toktok long sampela samting we i no kamap gut long mun Julai, we bikpela namba bilong ol draiva em mipela i rausim long kompetisen bikos ol i no bihainim lo na pasin bilong ol i no gutpela long fran long ol arapela draiva na ol pasindia long PMV. Taim mipela i statim 'Rot Sefti: Em i no wanpela Pilao' kempein, mipela i save olsem ol senis mipela i laik kamapim bai i no inap isi bihain long longpela taim we pasin nogut long rot i stap pinis.

Rot sefti kempein em mipela i developim, statim na bai gohet long kamap yet bikos long wanpela simpel as-tingting – mekim ol rot long PNG i kamap olsem seif ples na daunim namba bilong ol laip i lus o manmeri indai na tu daunim namba long ol birua i kamap long rot. Sapos mipela i bihainim gut na strong long kompetisen, bikpela samting hia em long soim rispekt long ol arapela manmeri na sevim laip na i no long winim prais tasol.

Long MVIL mipela wok strong tru long rot sefti kempein na go het yet long skulim ol PNG pablik long bikpela samting na gutpela bilong rot sefti em long daunim hevi na



Wantaim

Dr John Mua

birua long kamap. Mipela i gat longpela rot yet long go bihain long kompetisen i pinis, na rot bai hat.

Tasol long nay yet mi amamas long tokaut long sampela moa prais em ol draiva bai kisim husat i no pilai long rot sefti olsem gem. Dispela wokabaut bilong ol dispela 15-pela PMV draiva em bai lukim ol i flai long balus i go long Sidni long Fonde, Septemba 30 na tu ol bai kamap long taim long go long Footy Show wantaim Paul Aiton na Neville Costigan. Ol manmeri long PNG bai i ken stap long haus bilong ol na lukim ol dispela lain long TV.

Long narapela de long Fraide ol dispela lain bai lukluk raun long Sidni pastaim long ol bai go na lukim wanpela tim husat i stap long gren fainol i mekim trening. Long Sande ol bai go long ANZ Stedium na lukim stret NRL Gren Fainol. Long Mande, ol dispela lain bai kisim balus na flai i kambek long PNG.

Dispela em naispela sanis tru long laip bilong ol dispela lain, olsem na ol draiva husat i lus i lusim naispela sans tru.

**Dr John Mua em Menesing Dairekta bilong Motor Vehicle Insurance Limited, husat i kamapim "Rot Sefti: Emi no wanpela Pilai" pablik aweanes kempein.**



# SPITIM KAR em ino wanpela PILAI

## NOKEN SPITIM KAR

### STAP WANTAIM GEM PLEN BILONG YU NA SPIT LIMIT

Spitim kar em wanpela long ol bikpela asua tru we i save kamapim birua long rot insalt long PNG NA save lukim planti pipel i dai. Sapos yu spitim kar yu bai gat bikpela sans long bungim birua na kilim yu yet o narapela lain. Em taim nau long tingting strong long ROT SEFTI – em ino wanpela PILAI

**60**  
km/h

Insalt long team o sain i sain

**75**  
km/h

Long ol Raiwe o sain i sain

### SAPOS OL I HOLIMPASIM YU BAI YU PEIM MANI O GO LONG KALABUS

**ROT SEFTI em Ino wanpela PILAI**

A road safety initiative by



# Wantok i winim 40 yia nau..sampela ol komentri katun insait long 40 yia i kam nau

Atis na katunis bilong Wantok Niuspepa Jada Willson i bin mekim..



1991




1991



1992



1992




1994



1997



1997



1997



2001



2002



2004



2004



# Wantok i winim 40 yia nau..sampela ol komentri katun insait long 40 yia i kam nau

Atis na katunis bilong Wantok Niuspepa Jada Willson i bin mekim..

2004



2004



2005



2005




2007



2007



2008



2008



2008



2008



2008



2010





Program bilong Wanwan De



Mande - Fraide

- 6am - 10am - Sankamap show - Host: KAS.T
- 6:15am - Komuniti Notis Bod
- 6:30am - Nius Hetlains / Bondei grittings
- Trukai Rais - GES FAIA KOMPETISEN
- 6:45am - Niuspepa Hetlains
- 7:00am - Major Nius Bulletin - YUMIFM Nius Senta
- 7:15am - Toktok sapolim LO na JASTIS Sekta
- 7:30am - Trukai Rais - GES FAIA KOMPETISEN
- 8:00am - Major Nius Bulletin - YUMIFM Nius Senta
- 8:15am - Stori b'long Skelim Tingting
- 8:30am - Trukai Rais - GES FAIA KOMPETISEN
- 9:00am - Nius Bulletin - YUMIFM Nius Senta
- 9:15am - Luksave long Komuniti (Redio Pilai)
- 9:30am - Trukai Rais - GES FAIA KOMPETISEN

- 9:45am - YUMI PAINIM WOK Segment
- 10:00am - Nius - YUMIFM Nius Senta
- 10am - 2pm - Monin Trek na Belo Pack - Host: VAVIESSIE
- 10:10am - Lukatim yu yet - Helt toktok - RH Hyper Mart
- 10:45am - YUMI PAINIM WOK Segment
- 11:00am - Nius - YUMIFM Nius Senta
- 11:10am - Cont'd - Lukauti yu yet - Helt toktok
- 11:30am - Nius Hetlains b'long Belo Taim
- 12:00pm - Major Nius Bulletin - YUMIFM Nius Senta
- 12:10pm - BELO Taim - wantaim sapot b'long TELIKOM
- 12:15pm - Komuniti Notis Bod
- 12:20pm - BELO Taim - wantaim sapot b'long TELIKOM
- 1:00pm - Nius - YUMIFM Nius Senta
- 1:10pm - BELO Taim - wantaim sapot b'long TELIKOM
- 2:00pm - Major Nius Bulletin - YUMIFM Nius Senta
- 2pm - 6pm - Avinun Draiv Taim - Host: Enjo Dabix
- 2:00pm - 4:00pm (Tunde / Fonde) TOKAUT TOKSTRET
- 2:45pm - YUMI PAINIM WOK Segment
- 3:00pm - Nius - YUMIFM Nius Senta

- 3:10pm - Avinun cruz
- 4:00pm - NIUS - YUMIFM Senta
- 4:10pm - "FOAPELA KAM GUD LONG 4"
- 4:30pm - Nius Hetlains
- 4:45pm - YUMI PANIM WOK Segment
- 5:00pm - MAJOR NIUS BULLETIN - YUMIFM Nius Senta
- 5:10pm - 6:00pm - FLAME KULCHA (1 hr) listeners request
- 6:00pm - MAJOR NIUS BULLETIN - YUMIFM Nius Senta
- 6 - 7pm - Maggi noodles request aua
- 6pm - 00am - NAIT BEAT - Host: ANGRA KENNEDY
- 6:10pm - 7:00pm Mun kamap sho
- 6:45pm - Komuniti Notis Bod
- 7:00pm - 9:00pm - COCA COLA GARAMUT
- 9:00pm - 00am - Nait Beat - Isi Cruz long nait
- 00am - 6am - BRUKIM TULAIT SHOW - Host: Papa Raegs / Sally / Nenge
- 00:00 - Early Monin Taim Cruz (ol lain brukim tulait shift)
- Musik / Request / Tok pilai
- Kipim Kampani long ol nait shift.

- Weekend Shift - Saturday & Sunday**
- 6:00am - 11:00am - Wiken Sanrais
- 6:30am - Komuniti Notis Bod - Bondei grittings
- 7am - 9am - Wiken Spots
- 9am - 11am - Monin Raun
- 11am - 1pm - National Weekly Hit Parade (Host Kas.T)
- 2pm - 6pm - Sarere Avinun Draiv
- 6pm - 00am - Nait Beat (Host Angra Kennedy)

**YUMIFM POROMAN TEAM:**  
 Turner (KAS.T) Arifeae - Team Leader / Program Director  
 Angra KENNEDY - Senior Announcer  
 Sinimil (Vaviessie) Philippo - Promotions Co ordinator  
 Papa Raegs - Announcer Nenge Neings - Announcer  
 Enjo Dabix - Announcer Selestine Sally Sino - Announcer

**RADIO AUSTRALIA TOK PISIN PROGRAM HARIM LONG: 101.9 FM**

- 6AM Stesen Op - Nius Hetlain - Musik na ol intaviu
- 6.30AM Nius na Karent Afes
- 7AM Stesen Pas
- 7PM Stesen Op
- 7.01PM Ol Hetlain na Program Priviu
- 7.15PM Spots
- 7.30PM Nius na Karent Afes
- 8PM Helt
- 8.15PM Musik
- 8.30PM NIUS
- 8.40PM Spots Riplei
- 8.55PM Musik
- 9PM Stesen Pas

- TUNDE - Moning - Nait**
- 6AM Stesen Op - Nius Hetlain - Musik na ol intaviu
  - 6.30AM Nius na Karent Afes
  - 7AM Stesen Pas
  - 7PM Stesen Op
  - 7.01PM Ol Hetlain na Program Priviu
  - 7.15PM Musik na Chit-Chat
  - 7.30PM Nius na Karent Afes
  - 8PM Mama Graun
  - 8.15PM Musik/Spots
  - 8.30PM NIUS
  - 8.40PM Helt Riplei
  - 8.55PM Musik
  - 9PM Stesen Pas

- TRINDE - Moning - Nait**
- 6AM Stesen Op - Nius Hetlain - Musik na ol intaviu
  - 6.30AM Nius na Karent Afes
  - 7AM Stesen Pas
  - 7PM Stesen Op
  - 7.01PM Ol Hetlain na Program Priviu
  - 7.15PM Musik na Chit-Chat
  - 7.30PM Nius na Karent Afes
  - 8PM Focus
  - 8.15PM Musik/Spots
  - 8.30PM NIUS
  - 8.40PM Mama Graun Riplei
  - 8.55PM Musik
  - 9PM Stesen Pas

- FONDE - Moning - Nait**
- 6AM Stesen Op - Nius Hetlain - Musik na ol intaviu
  - 6.30AM Nius na Karent Afes
  - 7AM Stesen Pas
  - 7PM Stesen Op
  - 7.01PM Ol Hetlain na Program Priviu
  - 7.15PM Musik na Chit-Chat
  - 7.30PM Nius na Karent Afes
  - 8PM Youth
  - 8.15PM Musik/Spots
  - 8.30PM NIUS
  - 8.40PM Focus Riplei
  - 8.55PM Musik
  - 9PM Stesen Pas

- FRAIDE - Moning - Nait**
- 6AM Stesen Op - Nius Hetlain - Musik na ol intaviu
  - 6.30AM Nius na Karent Afes
  - 7AM Stesen Pas
  - 7PM Stesen Op
  - 7.01PM Ol Hetlain na Program Priviu
  - 7.15PM Musik na Chit-Chat
  - 7.30PM Nius na Karent Afes
  - 8PM W'antok
  - 8.15PM Musik
  - 8.30PM NIUS
  - 8.40PM Youth Riplei
  - 8.55PM Musik
  - 9PM Stesen Pas

- SARERE - Nait**
- 7PM Stesen op - Ol Nius Hetlain/Program Priviu
  - 7.05PM Musik na Chit Chat
  - 7.30PM Nius
  - 7.40PM W'antok
  - 8PM Lokal Ben
  - 8.30PM Nius
  - 8.40PM Musik/Chit Chat
  - 9PM Stesen Pas

- SANDE - Nait**
- 7PM Stesen op - Ol Nius Hetlain/Program Priviu
  - 7.05PM Musik na Chit Chat
  - 7.30PM Nius
  - 7.40PM Famili Blong Serah (Redio Plei)
  - 8PM Lukluk Bek Long Wik
  - 8.30PM Nius
  - 8.40PM Musik/Chit Chat
  - 9PM Stesen Pas

Raun wantaim Wantok kru...

Wantok Painim 40 Yia nau...

**Yumi planti save amamasim bon de bilong bilong yumi long kankain wei, yumi save tingim olsem mama karim yumi long dispela de na yumi lukim ples graun, wankain olsem binis bilong yumi, yumi statim long dispela de bai yu tingim de bilong em long sampela yia i kam.**

*Wantok Niuspepa*

bai amamasim bon de bilong em dispela mun o tete fonde namba 6 de bilong mun Ogas, dispela de *Wantok* i bon o bin kirap na em strongim em yet inap 40 yia nau.

Long makim dispela 40 yia planti bilong ol wok manmeri bilong *Wantok Niuspepa* i mekim nem long sampela hap long kantri bilong yumi Papua Niugini, dispela ol lain

bai yu lukim stori bilong long *Wantok Niuspepa* long wik i kam long wanpela 40 yia sapliment bilong Wantok.

*Wantok Niuspepa* em ol misin save ronim, dispela stori tu bai yu lukim long sapliment, *Wantok Niuspepa* i no kam klostu, em kam long wei na sapos yu baim Wantok bilong wik i kam bai yu tru lukim ridim stori bilong *Wantok*.

*Wantok Niuspepa* bai amamasim de bilong tasol i no inap long bikipela, ol

askim tasol wanwan skul long bikipela siti bilong yumi Pot Mosbi long raun kam long opis bilong ol na stori wantaim ol wok manmeri bilong *Wantok Niuspepa*.

Nau yet i long opis bilong *Wantok* i gat sampela olupela pes i stap, sampela em nupela na sampela ol stap na go na kam bek na nau ol stap.

*Wantok Niuspepa* nem bilong em save paia long 1980 na 1990, dispela taim em no gat planti pepa yet long

kantri bilong yumi Papua Niugini.

Nau yet *Wantok* save mekim nem long soka sarati kap, midia snuka na sampela ol liklik pilai insait long Pot Mosbi.

Lukim spesol sapliment bilong *Wantok* 40 yia na tingting sampela biknem manmeri husat save raitim ol stori na nius long *Wantok Niuspepa* long wik i kam.

**- Nicky Bernard i raitim**

**93.7 FM YUMIFM National Weekly Hit Parade:**

Sponsor: Digibel - bigger, better networks.  
 Produced & Host by: Kas.T  
 Satellite: Taliga Sepite & Pursman Crew.

Week-Ending: Saturday - 07th August 2010

Week Before	Last Week	This Week	Charting Song:	Artist:
1	1	1	Ohno	Reggie
2	2	2	First Time	Loose fruits
3	3	3	Dilect Elava	Test Run Band
4	4	4	Love Struck	Jukema
5	5	5	Hide	Sharzy ft Dehai
6	6	6	Beca Numa	Jokers 21
7	7	7	Naukot	Reggie
8	8	8	Gal'ndu gal'ndu	Coal C
9	9	9	Lesu	Chris Stone ft Nathan Nakileo
10	10	10	Mix Enga Province	Choke Band
11	11	11	Gatweni	Chris Stone ft Nathan Nakileo
12	12	12	Boma jalaga jekeni	Pumeis of Goulala
13	13	13	Na Mele Van	Reggie
14	14	14	Dia Nam	Sesebudem
15	15	15	Lesu Mori	Brivie
16	16	16	Murobean Girl	DJ AAR
17	17	17	Fluflight	Pyjamas Band
18	18	18	Mori Tuka	Kesema
19	19	19	Simple Raiwai	Raiwai
20	20	20	Huris	Dassel Mystics
Song				Artist
Song				Huris
Song				Reggae Akaul
Song				Junior Toki



**WOKIM SAMTING STRET!** Wantok Midia Pul tim i amamas long wanpela win bilong ol las yia kompetisen. *Fail photo*

EMTV Television Guide

FONDE, 5 OGAS 2010		KIDS KONA		SARERE, 7 OGAS 2010	
4.59AM	STATION OPEN	6.30PM	G A CURRENT AFFAIR	2.30PM	G SUPER LEAGUE LEEDS v WIGANS
5.00AM	G JOYCE MEYER Religious program	7.00PM	G SPORTS SCENE	4.30pm	PG RED BULL AIR RACE
5.30AM	G TODAY	7.27PM	G EMTV TOK SAVE with Kevani Mado	5.30PM	G MXTV
9.00AM	EMTV PRIME TIME LINEUP	7.30PM	G RAIT MUSIK	6.00PM	G NATIONAL EMTV NEWS
9.20am	- Grade 7 Mathematics	8.30PM	PG ELITE MUSIC ZONE	6.30PM	PG AUSTRALIA'S FUNNIEST HOME VIDEO SHOW
10.10am	- Grade 7 Science	9.00PM	PG CUSTOMS	7.30PM	G IN MORESBY TONIGHT
11.00am	- Grade 8 Mathematics	9.30PM	M FOOTY SHOW	8.00PM	PG TRI-NATIONS RUGBY
11.50am	- Grade 8 Science	10.30PM	G NATIONAL EMTV NEWS REPLAY	BLEDISLOE CUP - NEW ZEALAND ALL BLACKS v AUSTRALIAN KANGROOS	
12.40pm	- Grade 6 Mathematics	11.00PM	Australia Network	Venue: Christchurch, New Zealand.	
1.30pm	- Grade 6 Science	5.59AM	STATION OPEN	10.00PM	G RAIT MUSIK
2.30PM	- DEPI Training	5.00AM	G JOYCE MEYER: <i>Enjoying Every Day Life</i>	11.00PM	PG ELITE MUSIC ZONE
		5.30AM	G TODAY	11.30PM	G NATIONAL EMTV NEWS REPLAY
		9.00AM	EMTV PRIME TIME LINEUP	12.00AM	Australia Network
		<b>CLASSROOM BROADCAST</b>			
		9.20am	- Grade 7 Mathematics	<b>SANDE, 8 OGAS 2010</b>	
		10.10am	- Grade 7 Science	6.29AM	STATION OPEN
		11.00am	- Grade 8 Mathematics	6.30AM	G IT IS WRITTEN:
		11.50am	- Grade 8 Science	7.00AM	G HILLSONG
		12.40pm	- Grade 6 Mathematics	7.30AM	Australia Network
		1.30pm	- Grade 6 Science	9.59AM	STATION RE-OPEN
		2.30PM	- DEPI Training	10.00AM	G WIDE WORLD OF SPORTS
				11.00AM	G SUNDAY FOOTY SHOW
					<b>MANDE, 9 OGAS 2010</b>
				4.59AM	STATION OPEN



TORO



BIABIA



KANAGE



TOKWIN

Moa senis long Mosbi na rurel ples bagarap yet

Mosbi siti i wok long lukim planti kain kain nupela divelopmen na ol bikpela haus i wok long kirap long redi long LNG projek. Ol dispela em invesmen, tasol turangu ol provins na distrik long PNG i stap nogut yet. Rot i bagarap na ol haus-sik sot long marasin na ol skul nogat ol gutpela saplais. PNG, yumi go we nau?

Pipel kamaut long painim helpim

Bihain long 37 yia long PNG kisim political independens, planti samting i no orait gut tru yet. Olsem na ol pipel long rurel eria i wok long kamap wantaim tingting bilong ol yet long traim painim mani long stretim sin-

daun bilong ol. Pasin ol lain bilong Wurup-Kaip long wokabout long Kokoda Trek na painim helpim long Mosbi em gutpela piksa. Moabeta Gavman na ol lida i mas sem.

Agmark Guria pilai soim rabis piksa tru

Ol sinia pilai bilong Agmark Guria na tu kosing dairekta bilong ol i soim rabis piksa tru long sait bilong spot long kantri, taim ol i paitim referi na ol ofisal bilong SNS Vipers long las tupela wiken i go pinis. Ol dispela lain i soim tru olsem spot long PNG olsem ragbi lig i gat moa rot long go yet long stopim hevi na kamapim gutpela nem.

Okuk Haiwe rot bagarap yet

Planti seksin bilong bikpela Okuk Haiwe i gat hevi yet. Planti ol pot-hol

i kamap namel long rot na sait sait bilong rot i bruk bruk. Ating ol gutpela enjinia i mas skelim gut pastaim na mekim faundesin bilong rot. Ol foren gavman i wok long westim mani long stretim, tasol rot i bungim hevi yet.

Bitangor Lahanis mekim histori

Tim bilong 'Apo kantri' Bitangor Lahanis i bagarapim tru sindaun bilong Hagen Kuris long las wiken taim ol i winim ol 72-6 insait long gem bilong ol. Man, dispela i lukim olsem kriket skoa stret ya. Na tu dispela em histori long kain skoa olsem insait long semi-profesinol ragbi lig kompetisen insait long kantri. Tru Ave, Yes ya, Lahanis.

Tokwin Tasol...

Word search grid with letters A-Z arranged in a 15x15 grid.

Table listing countries and their names in various languages: JAPAN, JEMANI, JODAN, KANADA, KUBA, KRIT, KUK ATLAN, LIBIA, MALAYA, MEKSIKO, NAIJIRIA, NORWE, NU SILAN, POLAN, POTUGAL, SKOTLAN, NU KALEDONIA, SAIDNA, SAIRE, SAIPRAS, PALESTAIN, SIRIA, RASIA, SPEN, SWISELAN, TEKI, WELS, SEKOSLOVAKIA.

Number crossword puzzle grid with numbers 1-9.

Number crossword puzzle grid with numbers 1-9.

Word search grid with letters A-Z arranged in a 15x15 grid.

EMTV Television Guide

Large table listing TV programs, times, and channels for EMTV. Includes sections for 'TUNDE, 10 OGAS 2010', 'TRINDE, 11 OGAS 2010', and 'EMTV PRIME TIME LINEUP CLASSROOM BROADCAST'. Programs listed include 'Joyce Meyer', 'The Pyramid', 'The Shak', 'Hot Source', 'Who Wants to Be a Millionaire', 'Crime Stoppers', 'National EMTV News', 'A Current Affair', 'Tok Piksa', 'EMTV Tok Save', 'Miss Red Cross PNG', 'Magical Tales', 'Hi-5', 'The Pyramid', 'The Shak', 'EMTV Tok Save', 'Hot Source', 'EMTV News Update', 'Who Wants to Be a Millionaire', 'Crime Stoppers', 'National EMTV News', 'A Current Affair', 'The World Around Us', 'The King of Football: Pele', 'Athlete of the Century', 'Important people of the 20th Century'.



# Raun wantaim Kanage olgeta wik

## Tais Wara

Kanage em wanpela ekting bodi bilong hap long Banz ol i kolim ples Kalanga. Nik nem bilong em Tais Wara. Em save draivim lasmangi daina long Banz-Kimil rot. Wanpela taim buk i kamap stret long lek mit bilong em na wara nogut i kamaut. Dispela taim em i bin putim wanpela blakpela spotwe bilong Susana na draiv i go long Banz taun. Long hap yet em kamaut long kisim buai na wokabaut krangi liklik. Man ol meri long KNK i lap na tok, "Porok o draiva?" Kanage strongim sait na tok "Em tais wara ya, noken tok."

MDH  
Banz

## "There..."

Wanpela taim Kanage wantaim gelpren bilong em go danis long ples Gasmata long Arowe. Musik bilong Gasmata Vaibresen mekim ples paia na Kanage wantaim

Bikpela Uncle  
Arowe

## Tapiok

Wanpela de Kanage hangre nogut tru. Em go long gaden



gelpren bilong em i mekim-save. Tupela go long namel na stat long disko. I no longtaim na wanpela man holim as bilong gelpren bilong Kanage na gelpren bilong Kanage i singaut. Kanage belhat na bikmaus long Tok Inglis, "Atus Rokat! The trabel is kamap there! We is the Kanai sikiriti there?" Ol lain stap klostu harim na ol lap long Kanage. Kanage tok gen, "Hey don't lap there! I don't do the form four there. I cut the banana there, the tisa the rausim mi there!"

Kroc Apo  
Goroka

## Ol skwat!

Salim ol gutpela Kanage tok pilai i kam long:  
Kanage Tok Pilai  
P.O. Box 1982,  
Boroko, NCD  
Port Moresby.  
Email:  
atolire@wantok.com.pg

# Painim sait rot long kisim mani

## Dia Laipain,

*Mi marit na mi gat tripela pikinini. Mi save wok wantaim gavman tasol mi no save kisim inap mani bilong lukautim famili na tu wokim seivings long beng. Mi wari nau bikos long 10-pela wik i kam, ol bai baim meri bilong mi na olsem na mi laik mekim sampela sait wok bilong kisim inap mani long baim meri bilong mi. Inap long yupela i helpim mipela o nogat?*

## Under Pressure

## Dia pren,

Mipela i laik helpim yu wantaim sampela tingting long rot bilong kisim sampela sait mani. Tasol dispela i no isi.

Pasin bilong go painim namba tu wok i no isi. Em i hat tru. Sapos yu wok long gavman, em i hat tru long kisim narapela wok bikos em bai yu brukim lo bilong gavman. Tasol sampela man i no save wari long suvim het yet long mekim olsem.

Ol i mekim olsem na i no tingting bek long wanem samting inap kamap lona ol saops ol bos i painimaut.



Oltaim mipela i kisim kain askim olsem, mipela i save tokim ol man long go long opis bilong painim wok long Leba Dipatmen. Tasol i luk olsem ol i no inap long helpim yu sapos yu gat wok wantaim gavman pinis.

Kain ol ausait wok yu inap kisim em olsem long draivim teksu o PMV ka bilong ol man, wok long helpim ol man-meri long hotel ol haus kaikai.

Sapos yu gat gutpela save long wok wantaim mani, ating yu inap gat sans long wok wantaim ol stua em i save stap op long nait.

Tasol long PNG i gat planti lain i no gat wok. Olsem na em bai hat tru long painim namba tu wok.

Yu bin sindaun na traim tingting tu long ol sampela rot bilong painim mani o nogat? Ating ol hauslain na wanpisin bilong yu inap helpim yu na bihain yu ken bekim mani bilong ol?

Long dispela rot yu inap sevim moa

mani long pe bilong yu inap long longpela taim.

Sapos yu gat gutpela wok na pe bilong yu save go long beng, ating yu ken askim beng long dispela mani yu laikim long en? O nogat, hap tasol yu ken bungim wantaim bilong yu yet? Tasol long dispela yu bai bekim gen long taim bihain wantaim takis mani.

I gat sampela samting em meri bilong yu inap wokim bilong salim na kisim mani o nogat? O inap long ol lain bilong meri bilong yu i wet longpela taim liklik long olgeta potnait o nogat?

## Pren bilong yu, Laipain

**Yu gat wari, rait i kam long Lifeline, P O Box 6047, Boroko, NCD.**

**Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori bilong yu. Laipain**



NEM: Emmanuel Tifa

KRISMAS: 17 (man)

ADRES: Bema High School, Private Mail Bag, Lae, Morobe province

SAVE LAIKIM: Harim musik, pilai soka, stori, go lotu na ritim buk.

NEM: Andrew Banakato

KRISMAS: 17 (Man)

ADRES: Bema High School, Private Mail Bag, Lae, Morobe province

SAVE LAIKIM: Pilai ragbi, stori, mekim pani, ritim buk, raitim pas, pilai gita, harim musik na go lotu.

NEM: John Jons

KRISMAS: 18 (man)

ADRES: Bema High School, Private Mail Bag, Lae, Morobe province

SAVE LAIKIM: Pilai musik, soka, volibol, serim ol samting, go lotu na pilai spot.

NEM: Thomas Kuni

KRISMAS: 18 (man)

ADRES: Bema High School, Private Mail Bag, Lae, Morobe province

SAVE LAIKIM: Pilai spot, pilai musik, harim musik na go lotu

NEM: Peter Moran

KRISMAS: 24 (man)

ADRES: P.O Box 541, Kimbe, West New Britain Province.

SAVE LAIKIM: Pilai soka, volibol, na basketbol, lukim TV, danis na wokim gaden, ritim buk na mekim pani

NEM: Irami Peter

KRISMAS: 19 (Man)

ADRES: Mora Mora Technical School, PO Box 23, Hoskins, West New Britain Province.

SAVE LAIKIM: Pilai spot, raitim pas, mekim pren na harim musik

NEM: Kate Peter

KRISMAS: 20 (meri)

ADRES: Mora Mora Technical School, PO Box 23, Hoskins, West New Britain Province.

SAVE LAIKIM: Harim musik, pilai gita, mekim pani na raitim pas na go lotu

NEM: Rita Ande

KRISMAS: 19 (meri)

ADRES: Integrated School, P.O Box 907, Kimbe, West New Britain Province.

SAVE LAIKIM: Kukim kaikai, pilai spot, harim musik, raitim pas, mekim pren, na go skul

NEM: Lowi Imias

KRISMAS: 22 (man)

ADRES: C/- P.O Box 96, Wau, Morobe Province

SAVE LAIKIM: Mekim pren, mekim pani, stori na raitim pas

NEM: George Luguni

KRISMAS: 22 (man)

ADRES: P.O Box 33, Mendi, Southern Highlands Province

SAVE LAIKIM: Pilai ragbi, basketbol, soka na voli-bol, stori, pilai gita na go lotu



# Siaman Smare Kisim 2010 QUT Awod



**TENKYU TRU ALUMNI, Anthony Smare kisim awod bilong em long han bilong menjing patna bilong Nab edukesen Kwinslen. Nesinol Australia Benk (NAB) em prinsipol sponsa bilong dispela awod**

YUNIVESITI Teknoloji long Queensland i givim awod bilong aut standing yangpela man bilong 2010 Alumnus awod i go Anthony Smare bilong Papua Niugini long ol wok bilong em taim em graduet long dispela Universiti long 1998.

Mista Smare tok em i kisim dispela awod long ai bilong planti lain husat i go stap long dispela bung na em i amamas long kisim dispela awod.

Dispela Alumnus awod em Kwinslen Yunivesiti save givim i go long ol manmeri husat kris-mas bilong mak long 35 yia na kam daun long gutpela wok ol save mekim.

Masta Smare I bin stadi long Kwinslen Yunivesiti bilong Teknoloji na em i kisim pepa bilong Bachelor Geology, Bachelor bilong Lo dual degree program long 1998, aninit long Se John Crawford (Australia Development) scholarship, em i wanpela long liding loya na kampani

darekta insait long Papua Niugini.

Long taim em 31 krismas na wok wantaim Allens Arthur Robinson long Melbon na Mosbi opis, Anthony i mekim planti bikpela wok long eria bilong stak-sarel rifom na risos developmen, na em i helpim long kamapim gro bilong bikpela wol gol maina Bar-rick gol olsem Jeneral menesa (Koporet na Lugal) na dairekt bilong ol liklik susa kampani.

Ol han mak bilong em Anthony long nesanel level I gohet insait long wok olsem Dairekta insait long Nesanel Telco Telikom, Maining Reguleta PNG Minerol Risoses Atoriti, Mobail Telco Be-mobail, bikpela ritel lain stoa, City Pharmacy, Redio Stesen FM 100 NA TU Maikro Fainens Institusen, Nationwide Maikro Benk.

Anthony em Eksekutiv Trasti bilong PNG Halivm Disasta Fan, husat save helpim long reisim mani long taim bilong hevi o dis-asta long kantri.

## Ol bai planim bikpela bisnis man na pren bilong PNG tude

Veronica Hatutasi i raitim

BIKNEM bisnis man long PNG tasol man wantaim bikpela daunpasin, man husat i givim bikpela helpim long ol turangu, sios na sariti na man husat i wokim bikpela kontribusen long PNG em ol bai planim em long 9 Mail matmat tude.

Se Brian Bell i bin dai tupela Sande i go pinis long haus sik long Brisben Australia. Em i bin gat 82 kris-mas taim em i dai.

Se Brian i bin greduet long 1948 wantaim Diploma long Famasi long nau ol i kolim Kwinslen Yunivesiti bilong Teknoloji na kam long PNG long 1954. Em i kam long PNG na wok olsem wanpela kemis long balk medikel stoa na bihain, em bin statim nambawan ilektrik retil stoa long PNG.

Bisnis i bin gro na kamap long ol dipatmen stoa, hom sentas, kemikel, ol prodak bilong klinim haus, opis, haus sik na ol masin samting long yusim long ol kain wok long ples, haus, opis, haus sik na gaden.

Se Brian i bin siaman na dairekta bilong Brian Bell kampani grup. Dispela em wanpela kain bikpela bisnis olsem long PNG. Insait long wanpela yia, ol kampani bilong em i save wokim K253 milion. Em i gat 1,300 wok



manmeri long planti hap bilong PNG we bisnis bilong em i gat han long en.

Se Brian i wanpela gutpela man long helpim na givim ol bikpela donesen long mani na ol narapela samting i go long ol turangu, ol sariti, ol sios, spot, haus sik na ol husat lain i askim em long helpim bilong em. Sampela ol bikpela sariti ogenaissen we Se Brian i bin givim ol bikpela helpim long plantu yia inap em i dai em, Pot Mosbi Jenerel Haus sik we em bin siaman long em long planti yia, Salvesen Ami long 27 yias, Ret Kros na Siti Misin.

Se Brian i bin kisim tripela bikpela luksave long ol gutpela wok na kontribusen long PNG na pipel. Wanpela em

long Kwins Honas awot we em bin kisim top luksave olsem Nait (Knight) long bikpela wok long komyuniti sevis na bisnis, Norway na Sweden i givim luksave awot long stap olsem Honoreri Konsal Jenerel i makim tupelo kantri. Na namba tri em Salvesen Ami i bin givim em bikpela luksave awot long wok, helpim na kontribusen bilong em long Salvesen Ami long PNG.

Plantu pipel long PNG, ol bikman na ol grasrut, ol manmeri PNG na ol ovasis lain em ol pren bilong Se Brian i gat planti ol gutpela stori na toktok long ol gutpela wok we em bin mekim. Plantu pipel long kantri i sore nogut tru na kra i long dai bilong dispela bikman tasol em i gat daunpasin. Na em i mekim PNG olsem ples tru bilong em.

Bihainim askim bilong em, tude bai i gat funereel sevis bilon g em long Sen Martin;s Angliken Sios long Boroko. Na bihain, ol bai planim bodi bilong em long 9 Mail matmat ausait long Mosbi siti klostu long meri bilong em. Gutbai long yu Se Brian, gutpela pren bilon g PNG. God i ken givim yu gutpela malolo. Yu go pinis, tasol nem na wok bilong yu bai stap long ol kampani bilong yu na ol hanmak long ol wok yu bin mekim.



**VOUT LONG STRAIK: Ol yunion bilong ol Benk Saut Pasifik (BSP) wokmanmeri i bin winim askim bilong sikret balot long opis bilong Industriyel Rejistra, na long dispela wik, ol i kisim vout long sekim sapos ol i wanbel long straik o nogat.**  
Foto: Nicky Bernard.

## Asples grup kisim K20,000 long NDB

WANPELA ples long Finsafen, Morobe provins i amamas long kisim bikpela manimak long helpim ol i baim kakau (cocoa).

Ol pipel bilong ples Kam-lawa long Finsafen eria i bin amamas stret na selebret taim ol i kisim K20,000 long Nesanel Developmen Beng (NDB) long statim projek bilong ol long baim kakau.

Ol pipel i bin wok long wet long sampela mun long save sapos ol bai kisim dispela mani taim beng i wok long glasim ol aplikesen i stap.

Dispela em i namba wan taim long wanpela asples grup i kisim bikpela manimak olsem long NDB.

Dispela mani bai helpim ol asples lain i stap lon ples Lauwakuc Koporetiv Sosaiti long painim ol maket bilong salim ol prodak bilong ol.

## Tenpela winim BSP Beng Hat resis

BENG bilong Saut Pasifik (BSP) i givim K20,000 long ol wina bilong wanpela resis em i bin putim kamap long olgeta hap bilong kantri.

"Hand Made Hearts" o Lewa ol i wokim long han em dispela resis we planti pipel long kantri i bin go insait long en na long olgeta wik, planti lain i save winim prais mani long K200. Bebf i bin kisim planti tausen ol entri long dispela resis we ol i wokim lon g han, long diwai, kaving, peinting, dro-ing, video na poto.

Tasol long las wik, ol i glasim na

skelim ol droing na makim 10-pela lain i kamap olsem ol fainelis. Na wan wan long ol dispela i winim K2,000. Sif Eksekutiv Opisa bilon g BSP beng, lan Clyne taim em i tok tenkyu long planti lain long olgeta hap bilong kantri i bin go insait long resis i tok dispela i soim olsem i gat planti lain long PNG i gat gif bilong dro na mekim ol samting long han bilong ol.

Long 10-pela wina, 7-pela i bilong Nesanel Kapitel Distrik, tupela bilong Goroka na wanpela bilong Kokopo long Is Nu Briten.



# Nupela rurel maket bai kamap long Tapini

James Kila i raitim

**OL RUREL fres prodius fama insait long Tapini na ples arere long en bai lukim wanpela nupela maket i kamap long Tapini.**

Memba bilong Goilala, Mathew Poia, i putim K69,000 long wok i kirap long dispela nupela maket we bai stap long Tapini stesin.

Mista Poia i tokaut long dispela i no long taim i go pinis taim em i lonsim 5 Yia Developmen Plen bilong Goilala distrik.

Dispela nupela fres prodius maket bai gat toilet, ples bilong wasim ol kaikai na tu bai i gat tebol long ol manmeri i putim ol gaden kaikai bilong ol antap long en na salim.

Mista Poia i tok dispela helpim em i givim em long strongim ol rurel pipel long ples long salim ol fres kaikai bilong ol long sapotim sindaun bilong ol na tu helpim ol long i gat mani long poket bilong ol na tu baim klos na skul fi bilong ol pikinini bilong ol.

Tapini na Goilala eria i stap antap long maunten na i gat gutpela graun tru long groim ol fres kaikai we i wankain olsem ol dispela i gro long Hailans rijon. Ol kumu olsem kru-sako, kapis, anian, kerot na avokado i gro gut tru long dispela ples.

Planti taim ol lain bilong Mosbi husat i raun i go long Tapini i save aigris tru long ol naispela kumu na

gaden kaikai bilong dispela ples.

Long dispela taim tu Mista Poia i givim ki bilong wanpela nupela trakta we bai helpim ol pipel long brukim graun na wokim gaden bilong ol.

Mista Poiya i tokaut tu long helpim raba prodaksen wantaim K30,000.

Long strongim rot projek em i kamapim, Mista Poia i putim K1.2 milien i go long stretim rot na putim karanas long Arapokina na rot i go olsem long Tapini. Dispela mani bai helpim long greida i stretim rot na kliarim rot na tu long rausim ol gras long sait sait bilong rot.

Dispela rot ol i kolim 'Mona Haiwe' bai i ken helpim ol pipel long go kam long Mosbi long kisim ol sevis na tu ol lain long outsait i ken go long Tapini na baim ol fres kaikai long ol pipel bilong hap.

Dispela seremoni long Tapini stesin i lukim Minista bilong Jastis na Atoni Jeneral, Ano Pala i go. Em i bin flai long helikopta i go pundaun long Tapini stesin na i stap insait long dispela seremoni we Mista Poia wantaim ol LLG presiden na Goilala distrik edministreta i lonsim nupela Goilala 5-Yia Distrik Developmen Plen.

Insait long dispela seremoni tu i lukim Mista Poia i tokaut long K100,000 long baim nupela kar long helpim distrik treseri long Goilala.



**FRES KAIKAI:** Sentrol provinsal tresera Walis Imbal i baim ol fres banana mau long Tapini maket.  
**Ol poto: James Kila**



**OLPELA TAPINI MAKET:** Dispela maket long Tapini bai ol rausim na wokim nupela.





**SOIM HAN:**  
Terry-Anna Bernard bilong Aces i putim han long traिम na pasim birua bilong em long Gordons C gred netbol long Mosbi las wik Sande. **POTO:** Nicky Bernard.

**TAKOL:**  
Wanpela fowet bilong Mioks i pas long sholda bilong Vipers namba 7 long gem bilong ol las wik long Mosbi. Mioks i bin go pas 11-10. **POTO:** Nicky Bernard.

**TRENING:** Ol kikboksing sumatin long Medi bihainim tisa bilong ol long trening. **POTO:** PNGKBA.

**Spots dro na poto**

Sarere Ogas 7, 2010  
Bava Park.

<b>Pilai graun 1.</b>			
9.00am	U20	Brothers vs.	Lasalians
10.20am	B	Brothers vs.	Lasalians
11.40am	B	University vs.	Hunters
1.00pm	A	Brothers vs.	Lasalians
2.30pm	A	University vs.	Hunters
4.00pm	Primia	Brothers vs.	Lasalians

<b>Pilai graun 2.</b>			
9.00am	U20	University vs.	Hunters
10.20am	U20	Wanderersvs.	Royals
11.40am	B	Wanderersvs.	Royals
1.00pm	Meri	University vs.	Royals
2.30pm	A	Wanderersvs.	Royals
4.00pm	Primia	Wanderersvs.	Royals

<b>Sande Ogas 8, 2010.</b>			
		<b>Pilai graun 1.</b>	
9.00am	U20	Chiefs vs.	Kone
10.20pm	B	Chiefs vs.	Kone
11.40pm	Meri	Lasalians vs.	Wanderers
12.50pm	A	Chiefs vs.	Kone
2.20pm	Primia	University vs.	Hunters
3.50pm	Primia	Chiefs vs.	Kone

**Pilai graun 2.**

10.00am	U20	Defence vs.	Harlequins
11.20pm	B	Defence vs.	Harlequins
12.40pm	Meri	Sisters vs.	Harlequins
1.50pm	A	Defence vs.	Harlequins
3.20pm	Primia	Defence vs.	Harlequins

Bai: Defence (meri).

**NCD PSSA Competition Dro**

PNGIPA Spots Graun - August 7, 2010

<b>Pilai graun 1</b>			
9.15am	y.u20.b	Smila vs	PRK Wantoks
10.30am	W	Smila vs	PRK Wantoks
11.45am	M	Smila vs	PRK Wantoks
1.00pm	W	PM/NEC vs	Att/General
2.15pm	M	PM/NEC vs	Att/General
3.30pm	W	BPNG vs	Masters
4.45pm	M	BPNG vs	Masters
<b>Pilai graun 2</b>			
9.15am	y.u20.b	Tasi Naiks vs	PNGIPA
10.30am	W	Tasi Naiks vs	PNGIPA
11.45am	M	Tasi Naiks vs	PNGIPA
1.00pm	Y.U20.B	PHQ Royals vs	B/Mobile
2.15pm	W	PHQ Royals vs	B/Mobile
3.30pm	W	PHQ Royals vs	B/Mobile
4.45pm	YU20.B	PNG Power vs	Amoana

**Sande Ogas 8, 2010**

**Pilai graun 1**

9.30am	Y.U20.b	Tasi Naiks	vs	Transport
10.45am	W	Tasi Naiks	vs	Transport
12.00am	M	Tasi Naiks	vs	Transport
1.15pm	M	BPNG	vs	PHQ Royals
2.30pm	W	BPNG	vs	PHQ Royals

**Pilai graun 2**

9.30am	M	PNG Power	vs	Amoana
10.45am	W	PNG Power	vs	Amoana
12.00am	U.17G	PNG Power	vs	PRK Wantoks
1.15pm	YU20B	PNGIPA	vs	PRK Wantoks
2.30pm	W	PNGIPA	vs	PRK Wantoks
3.45pm	M	PNGIPA	vs	PRK Wantoks

BAI: Tasi Naiks y.u17g.

Ol tim i mas bung long pilai graun long 11:30am.

**TOKSAVE:** Salim ol spots dro bilong yu kam long Feks; 325 2579, e-mel: [amoln@wantok.com.pg](mailto:amoln@wantok.com.pg) o kam lusim long Wantok Niuspepa opis long Central Waigani, NCD.



# Blues i lus yet

OL i lusim pinis 5-pela State of Origin taitol na nau ol i wok long lusim ol sinia ofisol bilong tim husat ol i bin stap long dispela taim.

Nau Laurie Daley i tok em bai lusim wok olsem wanpela selekta bilong ol Blues bihain long ol Maroons i winim State Of Origin 5-pela yia pinis.

Em i namba tu ofisol bilong Blues long tokaut em bai lusim wok long tim bihainim kosa Craig Bellamy.

Ricky Stuart na Phil Gould i soim laik long kisim ples bilong Bellamy long 2011 i go.

Daley bin tokaut long tingting bilong em taim em i kamap long wanpela redio stesin long Australia dispela.

Em i wok long toktok long 32-14 win bilong ol Knights las wik we i lukim winger Akuila Uate i putim tripela trai.

Ol i askim em sapos em bai tingting long Uate long 2011 taim ol i mekim seleksen gen na Daley i tok em bai no inap mekim dis-



pela wok moa.

"Neks yia bai mi no inap stap olsem wanpela selekta," em i tok taim ol i askim em moa.

**INAP:** Daley bai no inap stap olsem Blues selekta long 2011



**STAP:** Minichiello bai stap wantaim Roosters.

# Minichiello bai stap olgeta wantaim Roosters

ANTHONY Minichiello bai pilai wantaim Sydney Roosters inap em i pinis.

Ol nius ripot i tokaut olsem Minichiello, 30 krismas, bai sainim wanpela nupela kontrak wantaim ol Roosters long wik i kam.

Dispela bai lukim em i no inap go long narapela klap.

Cronulla na ol klap long Inglen tu i bin resis long kisim em i go pilai wantaim ol tasol nau i luk olsem Minichiello bai pinisim olgeta pilai bi-

long em wantaim klap we em i stat wantaim.

Dispela bai kontrak bai sanap wanpela yia long 2012 na i amamasim klap tu bipo long ol i go insait long pilai graun agensim St George Illawarra long wankain wik.

Minichiello i bin kisim bagarap long baksait bilong em na i no pilai tumas tasol dispela yia em i kam bek na i wok long kisim bek gem bilong em.

Gutpela pilai bilong Minichiello i

bin lukim em i winim golden but awod long 2005 olsem nambawan ragbi lig pilaia long wol.

"Long mi, Roosters em i wanpela spesol klap," em i tok.

"Mi bai amamas sapos ol i ken givim mi tupela yia kontrak tasol bai yumi lukim.

"Mi bikipela long dispela klap," em i tok.

Nogat planti pilaia insait long NRL i save stap long wanpela klap tasol na Minichiello em wanpela bilong ol.

## NRL SPOTS DRO RAUN 22 Ogas 6 - 9 2010

### Gems bilong dispela wik

-  Cowboys V<sup>s</sup> Broncos 
-  Knights V<sup>s</sup> Bulldogs 
-  Rabbitohs V<sup>s</sup> Tigers 
-  Raiders V<sup>s</sup> Panthers 
-  Roosters V<sup>s</sup> Dragons 
-  Eagles V<sup>s</sup> Storm 
-  Sharks V<sup>s</sup> Warriors 
-  Titans V<sup>s</sup> Eels 

### Raun 21 - Poin Leda

TIM	W	L	D	B	Pts
1 Dragons	13	6	0	2	30
2 Panthers	12	7	0	2	28
3 Roosters	12	7	0	2	28
4 Tigers	12	7	0	2	28
5 Titans	11	8	0	2	26
6 Sea Eagles	10	9	0	2	24
7 Broncos	10	9	0	2	24
8 Warriors	10	9	0	2	24
9 Rabbitohs	9	10	0	2	22
10 Eels	9	10	0	2	22
11 Knights	8	11	0	2	20
12 Raiders	8	11	0	2	20
13 Bulldogs	7	12	0	2	18
14 Cowboys	5	14	0	2	14
15 Sharks	5	14	0	2	14
16 Storm *	11	8	0	2	0

\* Ol i rausim olgeta poin bilong Melbourne Storm bilong dispela sisen.





# Genia pinisim trening

GENIA i pinisim namba wan trening bilong em wantaim ol Wallabies dispela wik bihain long em i bin kisim bagarap.

Ol i ting em bai no inap pilai agensim Nu Silan gen dispela wiken bihain long em i kisim bagarap long lek skru bilong em long nara-pela gem bilong dispela tupela kantri las wik

Sarela long Melbourne.

Nu Silan i bin winim ol 48-27 las wik na ol Wallabies i amamas long lukim nambawan hap bek bilong ol i pinisim trening gut wantaim ol.

Ol Wallabies bai tokaut long tim bilong ol tete (Fonde) long husat bai pilai.

## Politiks long bikpela gem

OL ofisol bilong Australia i wari olsem pasin politiks na korapsen i wok long bagarapim ol wok redi bilong komonwelt gems long Delhi, India.

Tasol man i go pas long oge-naising komiti bilong dispela ol pilai long India, Suresh Kalmadi tok dispela ol toktok i no tru.

Toktok bilong Australia i kirap bihain long ol ripot long wanpela niuspepa long India i tok olsem sampela paol pasin i kamap we i lukim ol i mekim ol giaman setifiket pepa bilong ol haus ol i mekim bilong dispela gem.

Wanpela wok painim aut i kamap nau long lukluk long dispela.

Australia i wari olsem politiks i

stap insait long ol wok bilong kamapim na ronim dispela ol gem long hap.

"I luk olsem ol pati na gavman long hap i wok long traim wanwan samting bilong ol long hap i stap," sif eksekutiv opisa bilong Australian Commonwealth Association, Perry Crosswhite i tok.

Em i tok dispela kain pasin i save kamap olgeta taim bipo long ol gem i kamap na bihain ol i save sutim tok i go kam.

Tasol em i tok ol i bin go long wanpela bung las wik na i lukim olsem planti ol samting i ron orait tasol.

Ol pilai bai stat long Oktoba 3 na pinis long Oktoba 14.



KAM BEK: Gaitlin i pait long kisim bek mak bilong em.

## Bipo sempion i kam bek ron

JUSTIN Gaitlin i bin kisim nem nogut taim ol i painim em i yusim drak.

Tasol nau em i kam bek na i winim namba wan resis bilong em bihain long em i kam bek long 4-pela yia saspensen bilong em long dispela hevi.

Em i winim dispela resis long Rakvere, Estonia.

Gaitlin i ron gut gen insait long 100 etletiks resis bilong em.

Em i bin winim 100mita resis long 2004 Olimpik gems

Long 2006 em i ron. spit bilong em i wankain olsem 100 mita wol rekot mak bilong 10.34 sekens, long dispela taim.

Em i winim tu 100 na 200 mita resis long 2005 wol sempionsip.

Gaitlin, 28 krisamas, i lusim sampela hevi long bodi bilong em na nau i wok hat long winim bek ples bilong em namel long ol arapela top rana long wel.

Nambawan mak bilong em nau em long stap insait long 2012 olimpik gems.



# Ol Mioks sapota paitim refri

## ■ Igo long pes 26

“Mi laikim olgeta sapos bilong wanwan spot insait long kantri mas stopim dispela kain pasin na mi laikim tu bai komiti givim gutpela mekim save long ol lain i mekim dispela pasin,” Embel i

tok long ol nius ripot dispela wik.

Siaman bilong bemobile kap na PNG NRL, Don Fox i tok sori long ol arapela gutpela sapota husat i bin pilim prèt long dispela taim.

“Mi tok sori long yupela na tu

long refri husat ol i paitim na tu long ol femili husat i kam wantaim ol pikinini bilong ol,” Fox i tok long wanpela stetmen pepa.

“Dispela kain pasin em wok bilong ol pilaia, kepten, kosa na tim menesa long stretim insait

long pilai graun.

“Ol i no soim dispela pasin we i lukim ol Mioks pilaia i no harim tok bilong refri na i wok long kros wantaim em,” Fox i tok.

“Dispela i kirapim bel bilong ol sapota long mekim trabol.

“Ol pilaia i mas lainim long

harim na bihainim tok bilong refri,” em i tok.

Fox i tok PNG bai bagarap moa yet sapos dispela kain pasin i no pinis.

PNG NRL bod bai bung long wik i kam long lukluk long dispela hevi.

# Planti moa lainim tenis

PLANTI moa sumatin na tisa long Popondetta, Kavieng, Lihis na Lorengau i kisim sans long lainim long pilai tenis long namba wan hap bilong dispela yia.

Dispela tenis program i ron wantaim sapot bilong BSP benk na insait long tupela mun, em inapim 20 skul long ol dispela ples.

BSP statim dispela program ken long pinis bilong Mei dispela yia na i amamas long wok em i kamap long skulim planti manmeri long dispela spot we i nupela long planti bilong ol.

Bosmeri bilong maketing long BSP, Rosemary Mawe i tok 3, 500 sumatin na tisa i kisim trening insait long dispela spot pinis.

“I bin gat gutpela sapot na bekim i kam long ol skul long dispela program we BSP i traim long soim ol long ol gutpela samting tenis inap kamapim long ol,” em i tok.

“Sampela skul i mekim ol tumbuna singsing na pilai long kisim BSP tenis tim i go insait long skul bilong ol na dispela i amamasim mipela tru,” Mawe i tok.

BSP i bin tokaut long helpim bilong en long PNG Tennis Association (PNGTA) long 2009 wantaim K150, 000.

Dispela sapot i karampim tu dispela tenis program bilong ol skul.

PNGTA i save salim ol save manmeri bilong ol olsem tupelo developmen opisa, Michael Foo na Lavu Ivuyo wantaim sinia tenis kosa, Kwalum Apisah i go long ronim ol dispela program.

Long 2009, moa long 10, 000 sumatin na tisa i bin stap insait long dispela trening.

Las yia program i bin go long Daru, Kiunga, Wewak, Maprik, Aitape, Vanimo, Tabubil, Madang, Buka na Kimbe.

Antap long dispela PNGTA junia tenis sempionsip na PNG tenis open sempionsip i bin kamap long Mosbi.

Ol wok i kamap nau long kisim dispela program long planti moa arapela skul insait long kantri.



LAINIM: Planti sumatin na tisa i lainim tenis insait long kantri. FOTO: BSP.

# Ol refri givim sapot long PNG NRL bid

PRESIDEN bilong PNG Referees Association (PNGRA), Guma Opi tok ol i givim sapot bilong ol long PNG long go insait long NRL resis long Australia.

Las wik em i raitim wanpela pas i go long PNG NRL Bid long tingting bilong Asosiesen

“Mipela bai wokbung wantaim yupela long strongim as bilong ragbi lig insait long PNG long sait bilong kamapim ol gutpela trening na sefti program bilong ol refri

na kosa,” Opi tok insait long pas bilong em.

“Bihain long ol bung bilong mipela wantaim developmen tim bilong PNG NRL Bid, mipela i lukim olsem wok yupela i mekim bai kamapim planti gutpela samting bilong ol tisa, ol yut na tu ol skul komyuniti,” em i tok.

Opi bin toktok tu wantaim ol tisa bilong wanpela bung ol i kolim; PNG All Schools forum, las wik na i tokim ol long kisim

dispela kain ol trening we i kamap long ol.

“Asosiesen bilong mipela i laik bai planti moa gutpela manmeri kisim kain trening long kamap refri o ofisol wantaim gutpela save we i stap long Intanesenel level,” em i tok.

“Dispela tingting long kisim ragbi lig i go long ol skul insait long kantri bai givim planti gutpela sans tru long ol skul tisa na sumatin insait long

PNG,” Opi tok.

Minista bilong spots na siaman bilong PNG NRL Bid, Philemon Embel i amamas long dispela sapot ol refri givim.

“Yumi mas luksave olsem ragbi lig na ol arapela spot insait long PNG bai no inap kamap gut sapos i nogat gutpela sapot na hatwok bilong ol refri na kosa.

“Long dispela as, PNG NRL Bid i statim wok bilong en wantaim trening na wok redi bilong ol

refri na kosa,” em i tok.

Opi tok long laspela hap insait long pas bilong em olsem asosiesen bilong em i givim strongpela sapot long PNG NRL Bid long winim dispela NRL laisens.

“Mipela i bilip olsem wok bilong developim ol yangpela manmeri long pilai ragbi lig na tu long kamap ofisol bilong gem bai strongim PNG bilong bihain taim,” em i tok.



# PMSA tambuim Launa na PNGSF

**Andrew Molen i raitim**

POT Mosbi Soka Asosiesen (Port Moresby Soccer Association o PMSA) i tambuim bosmeri bilong PNG Sports Foundation (PNGSF) dispela wik long lukautim Sir John Guise stedium.

Pablik rilesen opisa bilong PMSA Peter Lewete i givim kot oda long Launa long dispela wik Trinde moning.

PMSA i mekim dispela bihain long Launa i pasim ol long ronim ol gem bilong ol long hap las wik Sarere na Sande.

Lewete, husat i makim maus bilong presiden bilong asosiesen, Fabian Chow, i tok Launa wantaim PNGSF i nogat rait long mekim

dispela pasin long PMSA.

Em i soim pepa bilong kot na tu pepa we i soim olsem PMSA na National Capital District (NCD) i papa bilong graun we stedium i stap long en nau.

"Iammo Launa i tok em i bihainim tok bilong NEC long noken lusim PMSA i yusim fil tasol dispela i no stret.

"NEC i nogat pawa long dispela, Land Board tasol i gat," Lewete i tok.

PMSA nau i kisim bek stedium na i tok get i op gen long ol PMSA pilaia na sapota long go na yusim.

"Ol i noken baim get moa inap PMSA yet i tok," Lewete i tok.

Em i tok tu olsem ol arapela bosman bilong PNGSF i save long

dispela na i no pasim PMSA long yusim stedium bipo.

Ol arapela spot olsem tas na hoki husat i save yusim stedium tu long pilai mas toktok wantaim PMSA sapos ol i laik yusim stedium yet.

Piksa i soim olsem graun long bikpela stedium bilong ron na insait stedium bilong basketbol na volibol, em i stap aninit long NCD na graun we ol soka pilai graun, ples bilong putim kar na ol ples namel, em i stap aninit long PMSA.

"Iammo Launa narapela man i noken pasim mipela moa long yusim stedium o long sasim ol manmeri long baim get, sapos em i mekim dispela em bai sakim tok bilong kot," Lewete i tok.

**SPOT RAUN**  
WANTAIM  
Scott Vavine, ML



## Wok bilong ronim kompetisen

LAS wik mi toktok long ol rot bilong ogenaism o stretim ol tim bilong kompetisen o spots resis bilong yu.

Dispela wik bai mi toktok long sampela ol samting yu ken bihainim long ronim gut ol kompetisen bilong yu.

Wok bilong ronim olgeta kain kompetisen bai kamap get sapos yu stretim o ogenaism yu yet tu.

I gat planti tim na pilaia bai kamap long dispela bung olsem na yu mas putim olgeta samting gut bai yu nap long lukluk na wok gut long ol wanwan.

Bipo long yu statim wok tu, yu mas i gat wanpela man husat i gat gutpela save long mekim kain wok, i stap long helpim yu.

Em i mas wanpela man o meri husat i gat gutpela save na eksperiens na tu pasin bilong wok olsem lida, dispela kain man bai helpim yu gut.

Wanpela wok bilong em bai long pulim ol tim i kam insait long dispela resis.

Long mekim dispela em i mas salim tok i go aut long ol tim husat i laik pilai long kamap na rejistaim nem bilong ol.

Dispela bai helpim em tu long mekim dro bilong ol tim long dispela resis.

Long wankain taim bai em i ken luksave long hamas refri na ofisol na ol arapela samting bilong pilai we em i mas gat long gem long dispela taim.

Wok bilong bungim ol samting bilong pilai na ples bilong pilai em narapela bikpela wok we i mas kamap gut long ronim ol pilai.

Yu mas stretim na makim gut pilai graun bihainim ol mak bilong en stret na putim tu ol gol pos na arapela samting we i mas stap long dispela spot.

I mas i gat ol ofisol long sidaun na lukluk long gem tu, dispela em i bikpela samting olsem ol arapela wok.

I mas i gat liklik haus o karamap bilong pasim san na ren long ol ofisol taim ol i lukautim gem i stap.

Sapos ol i stap gut bai ol i amamas long lukautim gem na ol samting bai ron gut tasol.

Dispela ol lain i gat bikpela wok olsem na yu mas lukautim ol gut tu.

Ol refri tu i mas gat ples bilong ol yet long stap na ronim gem, wok bilong ol tu i bikpela tru.

Dispela ol lain i gat save long ronim wanwan samting insait long gem bilong yu.

Sapos ol i nogat bai resis bilong yu i stop o i bagarap long namel.

Yu mas kamapim wanpela rekot we i soim taim bilong wanwan refri long lukautim ol gem.

Dispela mas i go wantaim gro bilong gem we i soim pilai long namba wan de i go inap long laspela de bilong kompetisen.

Em i mas karamapim ol pilai nating na fainols wantaim.

Dispela bai givim sans long ol tim long save long wanem ol tim ol bai bungim long wanwan raun bilong pilai.

Taim gem i wok long kamap, yu mas kamapim poins leda na soim long ol tim olgeta taim bai ol i ken save long wanem hap ol i sanap insait long dispela resis.

Poins leda i mas kamap olgeta de bihainim long pilai long namba wan de i go inap long laspela de bilong pilai.

Ol lo bilong gem bilong yu tu i mas tok klia long wanem kain samting bai kamap long kisim ol tim i go insait long fainols resis.

Bipo long yu statim gem, yu mas raitim olgeta samting i go daun pastaim na wok bihainim.

Yu mas givim dispela pepa bilong gem i go tu long ol ofisol na tim insait long kompetisen.

Dispela bai givim planti helpim tu long sait bilong ronim kompetisen bilong yu gut.

Yu mas tingting tu long givim luksave long ol lain husat i pilai gut long resis dispela yia.

Dispela bai mekim ol i amamas na tu i givim ol strong long pilai gut moa long ol yia i kam.


Pilai bilong ol insait long dispela kompetisen i ken opim rot bilong ol long spots olsem na em i gutpela long givim ol kain luksave.

Yu mas tingim long putim dispela olgeta samting mi tok long en hia insait long baset bilong gem bilong yu we yu mas kamapim tu bipo long gem.

Tingim, sapos yu nogat mani bai yu no inap go longwe tru wantaim dispela pilai.

Mi laik yu kisim dispela hap pepa, ridim na putim i stap ba yu ken lukim olgeta taim na bihainim taim yu laik kamapim wanpela kain wok olsem mi tok long hia.

Em inap helpim yu gut tru.



**GO PAS: Nami kamapim strongpela gem long helpim tim bilong em. WANTOK POTO.**

## Lahanis putim rekot skoa

**Daniel Nami i raitim**

BINTAGOR Lahanis i putim nupela rekot long bemobile kap resis dispela yia taim ol i winim Mt Hagen Kuris 72-6 long Goroka las wik Sande.

Dispela win i lukim ol Lahanis i no lusim wanpela gem long asples bilong ol yet.

Kepten, Glen Nami kamapim strongpela gem wantaim hap bek, Walter Hasu na ol fowet olsem Nicko Ubile na Elvis Dick.

Nami, husat i bin makim PNG long ragbi union sevens bipo i kisim tu bikpela helpim i kam long narapela bipo ragbi union Pukpuk pilaia, Chris Hogi.

Hogi putim tripela trai na i bin

mekim difens bilong ol Kuris i tingting planti olgeta taim em i holim bal.

Thomson Tete, husat i kisim Man-of-the-Match awod olsem nambawan pilaia long dispela gem wantaim faiv eit, Joseph Peter i putim tripela trai bilong ol wanwan tu.

Fowet, John Milba, husat tu i putim wanpela trai kamapim bikpela gem tu.

Ol arapela trai kam long Hasu, Minaho Goso, na Nami husat tu i kikim planti ol gol wantaim Ishmael Awute.

Lahanis i putim 13 trai na Kuris i putim wanpela tasol we i kam long senta Robert Benny husat i bin wok hat tru long dispela gem.

Ol Lahanis i bin malolo tumas long gem bilong ol long ol yia i go pinis na

planti gem long dispela yia tu tasol long gem las wik ol i soim tru wanem samting ol inap long mekim sapos ol i pasim tingting na pilai stret.

Tim i laik holim wankain pilai long ol arapela gem i stap yet long resis dispela yia.

Kosa, Peter Danga na tim menesa, Joe Isaro i tok dispela win i kamap long hatwok na gutpela wok redi bilong tim olgeta wik.

Tupela i tok pasin bilong disiplin o harim tok na respek em wanpela samting we i strongim tim tu.

Tasol wok bilong ol Lahanis i no pinis yet, ol i gat longpela rot i stap yet we ol bai bungim ol Kongo Coffee Warriors dispela wik long Goroka gen na Toyota Mioks long Wabag long narapela wik antap.





# SPTS



Isu 1877

Wan wik: Fonde, Ogas 5 - 11, 2010.

# Bagarapim gem

POTO: NICKY BERNARD.

**RON:** Wanpela sekyuriti ronawe long ol sapota husat i kalapim banis i kam insait long pilai graun wantaim ol stik na ston long pait.

**REFRI, James Kaupa** kisim bagarap na gem bilong ol Toyota Mioks na Stop 'N' Shop Vipers long Mosbi las wik Sande i pinis tupela minit bipo long fultaim bihain long sapota bilong Mioks i ron i kam insait long pilai graun. Em i namba tu wik bilong kain hevi kamap long bemobile kap resis. Long wik bipo, ol Gurias pilai na sapota i bin paitim ol Vipers long Kokopo taim ol i go pilai long hap.

Dispela hevi mekim na ol i lusim gem bilong ol long tupela poin. Nau ol Vipers i kamapim wanpela strongpela gem gen long asples bilong tasol wankain hevi kamap na ol i no bin pinisim gut dispela gem. Mioks i bin go pas long gem 11-10 taim refri givim wanpela penolti long Vipers long ai bilong gol pos bilong ol Mioks. Sapos dispela kik i go insait bai ol Vipers i win 12-11 tasol bipo long ol i kisim dispela penolti


kik, ol Mioks sapota i ron i go insait long fil na paitim ol Vipers pilai na refri. Minista bilong spots na siaman bilong PNG NRL Bid tim, Philemon Embel i tok dispela kain pasin i no gutpela na i bagarapim nem bilong ragbi lig na spots insait long PNG. Em i tok dispela pasin i kamap long Mosbi we i mama siti bilong kantri na i no givim gutpela piksa long ol arapela provins long bihainim. **Moa long Pes 26.**

## NISSAN URVAN

**DRAIVIM IGO**  
tasol long  
**K69,900**



- 3.0 Lita Diesel Engin
- 5 Spid Manuel Transmisen
- Mor Pasindia Hetrum
- Redieta stap wan mita bihain long frant bampa



\*Piksa bilong edvetismen tasol.

**BOROKO MOTORS**

PORT MORESBY LAE MT HAGEN TABUBIL	PH: 325 5255 PH: 472 1144 PH: 542 1933 PH: 649 9048	KIMBE MADANG RABAU Website: www.boroko-motors.com	PH: 983 5035 PH: 422 2659 PH: 982 8193
--	--	--	--